

公羊義疏

皇清經解續編卷千二百三十八

南菁書院

公羊義疏五十

句容陳立卓人著

成元年
盡二年

春秋公羊經傳解詁成公第七疏

校勘記云唐石經成公第八卷七左傳釋文成公名黑肱

宣公子魯世家宣公卒子成公黑肱立是為成公左疏云穆姜所生以定王十七年即位諡法安民立政曰成釋例曰計公薨之年成公又非穆姜所生不知其母何氏也按襄二年傳齊姜與繆姜則未知其為宣夫人與成夫人與則公羊不必以成公為穆姜子也

元年春王正月公即位

二月辛酉葬我君宣公

疏包氏慎言云二月書辛酉月之二十九日

無冰注周二月夏十二月尚書曰舒恒煥若易京房傳曰當寒

而溫例賞也是時成公幼少季孫行父專權而委任之所致

疏

注周二至二月○杜云周二月今之十二月穀梁傳終時

辭也

疏引麋信徐邈並云十二月最爲寒甚之時故特於此

書之

范云周二月建丑之月夏之十二月也此月既是常寒

之月

於寒之中又加甚常年過此無冰終無冰矣校勘記云

此本

原刻周二之二缺上畫翻刻本遂改爲周正月夏十一

月

閩監毛本承其誤按紹熙本本作周二月夏十二月○注尙

書至

煥若○書洪範文也釋文尙書作豫與本又作煥於六

反煥

也校勘記云閩監毛本同段玉裁云爲孔本作豫鄭王

本作

舒尋經音辨引作舒常與若云何休讀今本作煥按音

辨恒

作常避宋諱也五行志中之下傳曰視之不明是謂不

慝厥

咎舒厥罰恒與亦作煥又云庶徵之恒與劉向以爲春

秋亡

冰也小與不書無冰然後書舉其大者也按書疏引鄭

王本

皆作舒鄭云舉進也舒情也尙書大傳作荼荼亦舒王

藻諸

侯荼是也僞孔作豫徐仙民故讀從舒也論衡寒溫篇

洪範

庶徵曰急恒寒若舒恒煥若荀悅漢高后紀人君急則

日晷

進而疾舒則日晷退而緩故曰急恒寒若舒恒煥若今

本漢

紀作豫淺人改之也上文明以急舒對舉惠紀亦有厥

咎急

厥咎舒之語可證也經義雜記尙書厥民暵五帝本紀

作其

民煥蓋古文尙書作與今文尙書作煥也釋文引馬云

煥也

是馬從今文讀何氏今文之學也引尙書作恒與若是

今文

煥亦作與○注易京至賞也○校勘記云諸本同按例

當作倒字之誤也此本云凡爲賞罰宜出君門而臣下行之
故曰倒賞也可證闕監毛本亦誤作例賞矣襄二十八疏引
作倒置二字誤倒字不誤按紹熙本作倒賞不誤五行志又
云言上不明暗昧蔽惑則不能知善惡親近習長同類无功
者受賞有罪者不殺百官廢禮失在舒緩故其咎舒也卽倒
賞之義也志又引京房易傳曰祿不遂行茲謂欺厥咎與雨
雪四至而溫臣安祿樂逸茲謂亂與而生蟲知罪不誅茲謂
舒其與夏則暑殺人冬則物華實重過不誅茲謂亡徵其咎
常寒而與六日也按洪範云唯辟作福唯辟作威此經舊疏
引鄭注云此凡君抑臣之言也作福專慶賞作威專刑罰書
又云臣之有作福作威王食其害于而家凶于而國鄭注云
害于汝家福去室凶于汝國亂下民是也○注是時至所致
○五行志又云董仲舒以爲方有宣公之喪君臣無悲哀之
心而坑陽作丘甲劉向以爲時公幼弱政舒緩也又云一日
水旱之災寒暑之變天下皆同故曰無冰天下異也成公時
楚橫行中國王札子殺召伯毛伯皆敗天子之師于賀戎天
子皆不能討按何氏之說同子政知成公幼少者下十六年
不見公傳曷爲不配幼也左傳成二年公衡爲質杜云公衡
成公子計已有子爲質則成公時應三十餘矣則左氏不以
爲幼然公至十四年始娶則公羊之說信矣行父專權自仲
遂卒後始魯世家於宣公初立云魯由此公室卑三
桓彊明魯君失政於宣初遂卒後季氏日彊大也

三月作巳甲

何以書譏何譏爾譏始巳使也

注四井爲邑四邑爲巳甲鐘

也譏始使巳民作鐘也古者有四民一曰德能居位曰士二

曰辟土殖穀曰農三曰巧心勞手以成器物曰工四曰通財

弼貨曰商四民不相兼然後財用足月者重錄之疏

注四井

○周禮小司徒文也彼云乃經土地而井牧其田野九夫爲井四井爲邑四邑爲巳甲鐘爲縣四縣爲都鄭注九夫爲井者方一里四井爲邑方二里四邑爲巳方四里四巳爲甸方八里旁加一里則方千里爲一成積百井乃百夫其中六十四井出田稅四甸爲縣縣方二十里四縣爲都方四十里詩疏引服虔云司馬法云四邑爲巳有戎馬一匹牛三頭四巳爲甸甸六十四井出長轂一乘馬四匹牛十二頭甲十三人步卒七十二人戈楯備具謂之乘馬杜云此甸所賦今魯使巳出之譏重斂故書顧氏炎武杜解補正云杜云上出甸賦驛增三倍恐未必然周制四巳爲甸旁加一里爲成其出長轂一乘步卒七十二人甲上三人則巳得十八人不及一甲今作巳甲令巳出二十五人一甸之中其出百人

矣沈氏欽韓云顧說是矣而未得其證蓋一甸之中本出甲
士三人今令出甲士四人則止出一甲也知者以杜牧引司
馬法云一車甲士三人步卒七十二人炊家子十人固守衣
漿五人廩養五人樵汲五人輕卒七十五人重車二十五人
故二乘兼百人爲一隊則李衛公問對引曹公新書同然古
制惟七十二人其廐養之役皆在步卒七十二人之中今司
馬法百人爲一隊則止出二十五人當一丘而一甲也車兼
輕重則一甸又出二乘也司馬法本於穰苴是春秋之中皆
用丘甲之法而晉楚諸國可知矣李衛公問對楚二廣之法
每車一乘用士百五十人比周制差多是丘出甲又不止一
矣按沈氏之說本孔氏通義云始丘使者言始不甸使也周
制四井爲邑四邑爲丘四丘爲甸使出長轂一乘甲士三人
今使丘出一甲則甸有甲士四人率三甸而增一乘是也與
顧說亦大同也○注甲鎧也○周禮序官司甲注甲今之鎧
也禮記曲禮獻甲者執胄注甲鎧也廣雅釋器甲鎧也○注
議始至鎧也○穀梁傳云作爲也丘爲甲也丘甲國之事也
丘作甲非正也又云夫甲非人人之所能爲也丘作甲非正
也此云譏使丘民作甲下備引四民不相兼之說似與穀梁
合考周禮有司甲其職雖闕考工函人之職甚詳司兵云掌
五兵五盾以待軍事及授兵從司馬之法以頒之其受兵輓
亦如之注兵輪謂師還然則戈盾弓矢師出頒之師入還之
皆掌於官民不自備意甲亦然今使丘民自出甲故譏之管

子乘馬云一乘者四馬也一馬其甲七其蔽五一甸一乘其甲二
十有八其蔽二十人白徒三十人彼一乘即一甸一馬即一
丘蓋丘甲之制早行之齊魯從而放之與其實井邑丘甸皆
出甲而獨舉丘者舉丘以該井甸等然則丘民猶言邑民鄉
民國民也惠氏士奇春秋說云杜謂丘出甸賦信乎抑否平
日不然司馬法以田賦出兵其法本於春秋行於戰國非周
禮也丘甲始作於齊桓之伯桓公以此行之於齊故成公亦
以此行之於魯管子云一乘之地方六里原注六當為八一
乘者四馬也一馬其甲七其蔽五一乘其甲四之出四馬二十
二十白徒三十人然則丘出一馬七甲甸四之出四馬二十
八甲古制丘有馬無甲今使一丘作七甲而已安得又有長
轂一乘戎馬四匹且甲士步卒戈楯皆具而張云丘出甸賦
乎杜以司馬法注春秋往來不合多類此劉氏逢祿解詰箋
云何氏依穀梁解之左氏服注引司馬法云丘有馬一匹牛
三頭是日匹馬丘牛四丘為甸出長轂一乘馬四匹牛十二
頭甲士三人步卒七十二人戈楯具備謂之乘馬杜云甸所
賦令丘出之畿重敘故書似與經傳意合然何氏本孔孟家
法以大國地方百里出車千乘故云十井而賦一乘若司馬
法井十為通通為匹馬三十家士一人徒二人同方百里萬
井三萬家革車百乘士千人徒二千人又云甸六十四井出
長轂一乘與諸侯百里千乘之制不合此據天子畿內千里
出車萬乘言之馬融以十同之地開方為三百一十六里有

奇皆周官家言故何氏不取也然如何義四邑爲一使一
農民皆作甲以農爲工失其本業似亦與情事未協王氏念
孫廣雅疏證云一眾也孟子盡心得乎一民而爲天子莊子
則陽篇一里者台十姓百民以爲風俗也釋名曰四邑爲一
一聚也皆眾之義或以解此然眾民作甲曰作一甲亦不辭
何氏云議始使則自後常行之矣左傳云初稅畝言初此不
言初者此備齊難暫爲之耳非是終用故不言初按此如良
十二年之用田賦不言初耳何所見暫爲之耶民以食爲本
稅畝害什一之中正故於彼特重錄之也○注古者至用足
○穀梁傳云古者立國家百官具農工皆有職以事上古者
有四民有士民注學習道藝者又云有商民注通四方之貨
者又云有農民注播殖稼者又云有工民注巧心勞手以
成器物者國語齊語云四民者勿使雜處公曰處士農工商
若何管子對曰昔聖王之處上也使就閒燕處工就官府處
商就市井處農就田野令夫士閒燕則父與父言義子與子
言孝其事君者言敬其幼者言悌令夫工審其四時辨其功
苦權節其用論比協材曰莫從事施於四方以飭其子弟相
語以事相示以巧相乘以功令夫商察其四時而監其鄉之
資以知其市之賈負任擔荷服牛輅馬以周四方以其所有
易其所無市賤粥貴且莫從事於此以飭其子弟相語以利
相示以賴相陳以知賈令夫農察其四時權節其用耒耜耨
艾及寒擊藁除田以待時耕及耕深耕而疾耨之以待時雨

時雨既至挾其館刈搃鏹以旦莫從事於田野脫衣就功首戴茅蒲身衣襪體塗足暴其髮膚盡其四支之敏以從事於田野呂覽上農篇凡民自七尺以上屬諸三官三官謂農工賈六韜云大農大工大商謂之三寶農一其鄉則穀足工一其鄉則器足商一其鄉則貨足無亂其鄉無亂其俗義皆同校勘記出通貨財曰商云問監毛本作通財弼貨曰商釋文弼貨羊六反此脫按紹熙本有弼字此言四民不可相兼之義漢書刑法志云魯成公作上甲春秋書而譏之以成王遣師古注用服說又曰一說別令人爲上作甲也士農工商四類異業甲者非凡人所能爲而今作之議不正也即公穀說然爲上作甲語亦未明○注月者重錄之○舊疏云欲道宣十五年秋初稅畝哀十二年春用田賦皆書時今書月故如此解

夏臧孫許及晉侯盟于赤棘注時者謀結案之戰不相負也後

爲晉所執不日者執在三年外尋舊盟後非此盟所能保疏杜范並云赤棘晉地○注時者至負也○舊疏云正以春秋之義大信書時故也案之戰在下二年○注後爲至能保○舊疏云春秋之義不信者曰故如此解後爲晉所執者即下十六年晉人執季孫行父舍之于招止是也執在三年外尋

舊盟後卽下三年冬十有一月晉侯使荀庚來聘丙戌及荀庚盟傳云此聘也其言盟後聘而言盟者尋舊盟也是

秋王師敗績于貿戎疏

漢書劉向傳五行志並作貿戎左氏作茅戎古茅貿同部段借字注氏中經義

知新錄云荀子禮論云薦器則有益而無縱注鑒之言蒙也冒也按鑒蒙冒語之轉左氏傳茅戎公羊作貿戎方輿紀要大陽津在陝州西北三里黃河津濟之處志云津北對茅城按三里蓋三十里之誤今茅津渡是也沈氏欽韓左傳補注云茅戎蓋西羌之入居中國者鄭所弓箋云髦西夷別名括地志岷洮等州以西爲古羌國以南爲古髦國今墨宕以西松當悉靜等州以南皆是於今松播廳及疊溪營地

孰敗之蓋晉敗之注以晉比侵柳圍郊知王師討晉而敗之

疏注以晉至敗之○侵柳者宣元年冬晉趙穿帥師侵柳傳柳者何天子之邑也曷爲不繫乎周不與伐天子之邑也是也

圍郊者昭二十三年晉人圍郊傳云郊者何天子之邑也曷爲不繫乎周不與伐天子之邑也是也正以往前侵柳已犯天子在後圍郊復犯天子二經之間天子敗績据上下更無餘國犯王故知是天子討晉而爲所敗也繁露王道云晉至三侵周與天王戰于貿戎而大敗之漢書劉向傳周室多禍晉敗其師于貿戎伐其郊是也賀戎去洛陽二百里地近于晉故

以為晉敗也穀梁傳亦或曰賀戎敗之注以地賀戎故疏注

地賀戎故○舊疏云蓋晉侯不臣知王討之遂往敗之亦何

傷按傳載或說即左氏義也於晉無涉矣何云以地賀戎故

者謂春秋書地於賀戎故或如此說也左傳到康公衛戎將

遂代之叔服曰背盟而欺大國此必敗不聽遂伐茅戎三月

敗績于徐吾氏是也通義云以不月日言之或說然則曷為

是也所聞之世詐敗于戎狄與詐敗戎狄同例不言晉敗之注

其義使若王自敗于賀戎莫敢當敵敗之也不日月者深正

之使若不戰疏穀梁傳云不言戰莫之敢敵也為尊者諱敵

舊疏云春秋之義託魯為王而使舊王無敵者見任為王甯

可會奪正可時時內魯見義而已○注正其至之也○五行

志下之上云天氣不言五行診天而曰日月亂行星辰逆行

者為若下不敢診天猶春秋王師敗績于賀戎不言敗之者

以自敗為文尊尊之應也劉歆云皇極傳曰有下體生土之

疥說以為下人伐上天誅已成不得復為病云鹽鐵論世務

云春秋王者無敵言其仁厚其德美天下賓服莫敢受交也

注淮南王安曰天子之兵有征而無戰言莫敢校也皆正其

義之義通義引穀梁傳語又引劉敞曰莫敢當其言敗績何
天下之勢大矣非有能敗王之師者也王自敗也○注不日
全不戰○舊疏云春秋之例
偏戰曰詐戰月故如此解

冬十月

二年春齊師伐我北鄙

夏四月丙戌衛孫良夫帥師及齊師戰于新築衛師敗績疏包氏慎

慎言云據歷丙戌爲五月二日四月無丙戌也杜云新築衛
地大事表云今大名府魏縣南二十里有新築城方輿紀要
云葛孽城在大名府魏縣西南二十里趙成侯及魏惠王遇
于葛孽卽此地今其地又有築亭顧棟高直以爲新築按趙
世家作葛孽紀要又云葛孽城在廣平
府肥鄉西寰宇記又作葛築地與衛遠

六月癸酉季孫行父臧孫許叔孫僑如公孫嬰齊帥師會晉卻

克衛孫良夫曹公子手及齊侯戰于鞌齊師敗績疏包氏慎

月書癸酉月之八日杜云鞌齊地大事表云通典云鞌在平
陰縣東今從高氏之說取近志謂鞌卽古之厯下城卽今濟

言齊地澤廣廣公羊義疏五十

南府治之歷城縣沈氏欽韓云按地志不載沂水雜記沂水縣北一百里有將軍峴西南有鞍山非此鞍也名勝志鞏城在不陰縣東接傳文鞏地當在濟南府歷城山東通志鞏在歷城縣西北十里華山下今按左傳云三周華不注齊師敗績則在歷城者信

曹無大夫公子手何以書注

據羈無氏疏

釋文公子手一本

手首通宣二年左傳趙盾上季見其手釋文手一本作首禮大射儀相者皆左何瑟後首注古文後首為後手士喪禮思左手注古文首為手潛研堂金石跋尾卯敦銘拜手增手即稽首是也經義雜記云沈文何引穀梁傳曹公子首偃今本作曹公子手樓按大射儀注古文首為手穀梁傳文亦作手則手為段借字首為正字古本穀梁作首與左傳同公羊一作午者手字形近之譌○注据羈無氏○莊二十四年曹羈出奔陳傳曹羈者何曹大夫也注以小國知無氏為大夫則小國例無大夫有者名氏不具故憂內也注春秋託王于魯羈不氏也此稱公子故据以難

因假以見王法明諸侯有能從王者征伐不義克勝有功當褒之故與大夫大夫敵君不貶者隨從王者大夫得敵諸侯

也不從內言敗之者君子不掩人之功故從外言戰也魯舉

四大夫不舉重者惡內多虛國家悉出用兵重錄內也疏通

云曹以內被齊難遣大夫助戰故善而錄之繁露觀德云曲

棘與寧之戰先憂我者見賢是也○注春秋至大夫○桓五

年蔡人衛人陳人從王伐鄭其言從王伐鄭何從王正也注

美其得正義也故以從王征伐錄之蓋起時天子微弱諸侯

背叛莫肯從王者征伐以善三國之君獨能尊天子死節是

諸侯從王征不義克勝當美之事也此註王於魯諸侯能為

內憂與從王者征伐無異故假以見王法桓五年是其事此

其義也與彼同亦得正故與曹有大夫也○注大夫至侯也

○僖二十八年晉侯齊師宋師秦師及楚人戰于城濮傳云

子玉得臣則其稱人何貶曷為貶大夫敵君貶此以隨從王者大

君之義故絕正也然則彼以大夫敵君貶此以隨從王者大

夫有得敵之義故不貶也解此以決彼稱人故也又宣十二

年書晉荀林父帥師及楚子戰于邲彼傳云大夫不敵君此

其稱名氏以敵楚子何不與晉而與楚子為禮也注不與晉

而反與楚子為君臣之禮以惡晉然則得臣書人以明不敵

之義林父書名氏所以惡晉也以無王者大夫故也○注不

從至戰也○校勘記不從內言敗之者此本敗誤敵今訂正

按紹熙本正作敗桓十年齊侯衛侯鄭伯來戰于郎傳此偏

戰也何以不言師敗績內不言戰言戰乃敗矣往春秋託王於魯戰者敵文也王若兵不與諸侯戰戰乃其已敗之文故不復言師敗績矣然則此若從魯爲文不得言及齊師戰于鞌宜如僖元年公子友敗莒師于挈之例矣此因從外故言戰爲君子不掩人之功故也桓十三年公會紀侯鄭伯已巳及齊侯宋公衛侯燕人戰齊師宋師衛師燕師敗績傳內不言戰此其言戰何從外也亦此不掩人功之義也通義云從外不從日者先日者前定之期也緩辭也後日者非前定之期也急辭也龍門急而鞌緩也義或然也龍門之戰何云明當歸功紀鄭言戰則此亦歸功于晉衛曹故言戰也○莊魯舉至內也○左傳疏云魯於聘與盟會雖二卿並行止書一使至於行師用兵則並書諸將此書四卿昭定之世或書三卿或書二卿皆謂重兵故書之其他國唯書元帥詳內略外也按孔氏此疏頗得公羊微旨通義云內舉四大夫者時未作三軍蓋季孫將上軍臧孫將下軍僑如嬰齊爲二軍之佐也使舉上客而軍將列數之者重師也於他國則唯言元帥錄內略外之義也

秋七月齊侯使國佐如師己酉及國佐盟于袁婁疏包氏慎言己酉月之二十六日杜云穀梁曰鞌去齊五百里袁婁去齊五十里正義曰齊之四竟不應過遙且按己是齊地未必竟

上之邑豈得去齊有五百里乎穀梁又云壹戰緡地五百里則是甚言之耳釋例土地名鞍與袁婁並闕不知其處遠近無以駁之按左傳作爰婁袁爰通大事表云公穀二傳並為近郊之辭張氏洽因曰臨淄縣西有袁婁蓋亦約略之語耳或曰在濰川竟穀梁傳亦作爰婁博物志臨淄縣西有袁婁一統志因云袁婁在青州府臨淄縣西按臨淄更在青州東與鞏地似更遠矣

君不使乎大夫

疏

校勘記云唐石經諸本同按君不下似脫行字當補正解云春秋謹於別尊卑理嫌

疑故絕去使文以起事張例則所謂君不行使乎大夫也者是則疏本有行字又隱六年疏兩引君不行使乎大夫閔元年疏此其行使乎大夫何注据高子來盟魯無君不稱使不

從王者大夫稱使者實晉卻克為主經先晉傳舉卻克是也

疏

注据高至稱使○閔二年齊高子來盟傳何以不稱使我

之道也彼以我無君故彼不稱使明君不行使大夫之義此皆大夫也齊侯稱使故据以難○注不從至是也○舊疏云經先晉謂未戰之時經言及晉侯盟于赤棘是也傳舉卻克即下傳云師還齊侯晉卻克投戟邊巡再拜稽首馬前之屬

是也或者言先晉正謂會晉卻克是也何者序四大夫乃言會晉卻克則似卻克在是而四大夫往會之猶如宣元年宋公陳侯以下會晉師于斐林伐鄭然按前說是佚獲也注佚

也若如後說注當云經傳皆先舉晉卻克也獲者已獲而逃亡也當絕賤使與大夫敵體以起之君獲不

言師敗績等起不去師敗績者辟內敗文疏注佚獲至亡也

作失莊子書皆以失為佚漢書地理志漢中淫失謂淫佚也

杜欽傳或三四年言失欲之生害也謂佚欲也主父假傳齊

王內有淫失之行謂淫佚之行也游俠傳道行淫失謂行淫

佚也九經古義云古佚字皆作失佚又與逸通尚書無逸漢

石經作佚春秋經曰肆大眚殺梁曰肆失也失猶佚也佚與

逸同謂逸囚按漢石經無逸之逸作効桓八年左傳隨侯逸

注逸逃也荀子宥坐云若有決行之其應佚若聲響注逸奔

逸也國語鄭語以逸逃於衰韋注逸亡也廣雅釋詁逸去也

皆與逃亡義近校勘記云唐石經諸本同○注當絕至起之

○包氏慎言云國君被獲辱社稷也絕奪其位按僖十五年獲晉侯注書者以惡見獲與獲人君皆當絕也莊十年傳蔡

侯獻舞何以名絕曷為絕之獲也繁露竹林云是故春秋推

天施而順天理以至尊為不可以生於大辱大羞故獲者絕

之以至辱為不可以加於至尊大位故照失位弗君也已在

國反位矣而春秋猶有不君之辭况其淵然方虜耶其於義也非君定矣若非君則丑父何權矣是其絕賤不君故使與大夫敵體也春秋為內諱故隱六年鄭人來輸平傳然則何以不言戰諱獲也然猶稱人以起之彼注云稱人國其辭者嫌來輸平獨惡鄭明鄭擅獲諸侯魯不能死難皆當絕是也○注君獲至敗文○僖十五年晉侯及秦伯戰于韓獲晉侯傳此偏戰也何以不言師敗績君獲不言師敗績也注舉君敗為重也然則此若去師敗績以起齊侯見獲則當但言季孫行父以下及齊侯戰于鞏不言齊師敗績又嫌與內敗文同矣何者春秋王魯內不言戰言戰乃敗桓十年齊人衛人鄭人來戰于郎是也故直書行使于其佚獲奈何師還齊侯大夫起之所以辟內敗之文故也

注還繞疏

注還繞○廣雅釋詁云旋還也華嚴經音義引切韻同文選注引字林云旋回也史記曰者傳旋式

正某索隱旋轉也轉旋皆繞義也左傳師從之齊師敗績逐之三周華不注韓厥夢子與謂己曰且辟左右故中御而從

齊侯是還繞義也

晉卻克投戟逡巡再拜稽首馬前疏

周禮考工記冶氏云載廣

寸有半寸內三之胡四之援五之倨句中矩與刺重三鋒注戰今三鋒戟也釋名釋兵云戟格也傍有枝格也左傳隱十一年子都拔棘以逐之注棘戟也禮記明堂位越棘注棘戟同是也說文作戟逡者說文系部復也玉篇退也卻也莊子

田子方篇登高山履危石臨百仞之淵背遠巡足二分垂在外蓋卻退之義也再拜稽首者白虎通姓名篇人所以相拜者何以表情見義屈節卑體尊事人者也拜之言服也所以必再拜何法陰陽也尚書再拜稽首也必稽首何敬之至也頭至地何以言首謂頭也禮曰首有瘍則沐所以先拜手後稽首何各順文質也尚書曰周公拜手稽首周禮大祝疏云禮軍中得拜者公羊之義將軍不介冑故得有拜法通義云禮介者不拜而今再拜稽首者重難執獲人君故為加恭舊疏云禮介者不拜而再拜而卻克再拜者蓋齊師已敗行賁命之禮投戟之後得再拜矣若當戰時將軍有不可犯之色甯有拜乎按舊疏與孔說相兼乃備周禮司服云凡兵事韋弁服逢丑成十六年左傳卻至衣韎韠之跗注或將軍不介冑與逢丑父者頃公之車右也注人君驂乘有車右有御者疏校勘記

父云唐石經諸本同鄂本逢作逢誤按逢姓之逢从辵不从辵諸家說多誤今按紹熙本亦作逢左傳校勘記云闕本逢作逢非也段玉裁云字从辵逢丑父逢伯陵逢蒙皆薄紅反東轉為江乃薄江反宋人廣韻改字从辵薄江切殊謬不可從齊世家陳于鞍逢丑父為齊頃公右左傳邴夏御齊侯逢丑父為右注人君至御者漢書文帝紀乃令宋昌驂乘師古曰乘車之法尊者居左御者居中又有一人處車之右以備傾側是以戎事則稱車右其餘則曰驂乘驂者三也蓋

取三人爲義耳其兵車之法則詩鄭風清人云左旋右抽中
軍作好鄭箋云左二人謂御者右軍右也中軍爲將也左傳
云卻克將中軍解張御鄭丘緩爲右卻克傷於矢流血及屨
未絕鼓音是卻克爲將在鼓下也又張侯曰自始合而矢貫
余手及肘余折以御左輪朱股張侯卽解張張侯傷手
而血染左輪是御者在左也人君兵車或亦如此也
與頃公相似衣服與頃公相似

注禮皮弁以征故言衣服相
似頃公有負晉魯之心故特異丑父備急欲以自代疏坊禮記

注僕右恒朝服君則各以時事唯在軍同服爾疏引此傳云
蓋之戰逢丑父爲齊頃公車右也衣服與頃公相似是在軍
同服也按左傳僖五年云均服振振杜云戎事上下同服又
成十六年左傳有韎韐之跗注疏在軍之服其色皆同所謂
均服振振上下同色也卻至與眾同服所以獨見識者禮法
雖有此服軍士未必盡然則大夫以上服或與士不同與蓋
車右與君將衣服無不似特異逢丑父以其面目相似耳○
注禮皮至相似○白虎通三軍云王者征伐所以必皮弁素
幘何伐者凶事素服示有悽愴也伐者質故衣古服禮曰三
王其皮弁素幘服亦皮弁素幘又招虞人以皮弁知伐亦皮
弁按知伐亦皮弁當作知用獵亦皮弁詩六月疏引孝經注
田獵戰伐冠皮弁昭二十五年注云皮弁以征不義韓詩傳

亦有是語蓋皆今文家說其周禮并師云凡兵事章弁服蓋古文家說也○注頃公至自代○舊疏云卽下傳云前此者晉卻克與臧孫許同時而聘于齊則客或跋或眇於是使跋者迂跋者眇者迂眇者是也校勘記出故特巽丑父備急閔監本同蓋誤宋本毛本異作選當据正按紹熙本亦作選巽蓋選之壞字耳按頃公選丑父備急自代爾似與負晉魯之心無涉也代頃公當左注升車象陽陽道尙左故人君居左臣居右疏齊世家云遂復戰齊急丑父恐齊侯得乃易處頃公爲與其右易位○注升車至居右○御覽引五經要記云國君及元戎率軍將在中央當鼓御者在左勇力之上執戈在後禮記曲禮疏云乘車則君皆在左若兵戎革路則君在中央御者居左蓋此代頃公當左謂在車右之左爾仍居中曲禮云乘君之乘車不敢驅左左必式此兵車御者在左當亦馮式不敢與君並處君之左故自車右視之則君居左臣居右也其非元帥御者皆在中將左故左傳云韓厥代御居中其甲士兵車之法則詩魯頌閟宮箋云左人持弓右人持矛中人御與使頃公取飲頃公操飲而至注不知頃公將此又不同也

欲堅敵意邪勢未得去邪疏

齊世家結於木而止晉小將韓厥伏齊侯車前曰寡君使臣教

魯衛戲之丑父使頃公取飲左傳及華泉繆紉於木而止丑父使公下如華泉取飲○注不知至去邪○校勘記出將欲云閔監毛本同鄂曰革取清者注革更也軍中人多水泉濁本將欲作欲將

欲使遠取清者因亡去疏注革更也○詩大雅皇矣不長夏

則革之注革更也易雜卦傳革去故也呂覽執一云天地陰陽不革而成注革改也說文革獸皮治去毛革更之象故凡更改皆謂革也遠取清者頃公用是佚而不反注不書獲者蓋即左傳所謂華泉也

內大惡諱疏晉世家云下取飲以得脫去左傳鄭周父御佐

夫人其軍○注不書至惡諱○各本大作多誤依宋本正為內大惡諱者隱六年注明鄭擅獲諸侯當絕信十五年注見獲與獲人君皆當絕明獲諸侯當坐絕故不書為內諱也莊

十年以蔡侯獻舞歸不書獲者彼傳云不與夷狄之獲中國也蓋為中國諱獲逢丑父曰吾賴社稷之神靈吾君已免矣但責其不死位也

疏後漢書馮異傳昔逢丑父伏郤克曰欺三軍者其法奈何試而使其君取飲稱於諸侯

注願問執法者曰法斷注斷斬○爾雅釋器云魚曰斷之此疏引樊光云斷

所也彼釋文引字林云斷斬也與此合說文斤部云斷斬也
後漢書董卓傳論夫以剗肝斷趾之性注斷斬也文選羽獵
賦斷巨挺注引於是斷逢丑父注丑父死君不賢之者經有
韋昭曰斷斬也

使乎大夫於王法頃公當絕如賢丑父是實人之臣絕其君
也若以丑父故不絕頃公是開諸侯職不能死難也如以衰

世無絕頃公者自齊所當善爾非王法所當貴疏齊世家云

殺丑父丑父曰代君死而見僇後人臣無忠其君者矣克舍
之左傳韓厥獻丑父卻獻子將戮之呼曰自今無有代其君
任患者有一於此將為戮乎卻子曰人不難以死免其君我
戮之不祥赦之以勸事君者乃免之皆與此傳異注丑父
至君也○以丑父不書於春秋又無起賢文故也書齊侯使
國佐如師絕齊侯之意已起若賢丑父嫌賞人臣絕人君矣
襄二十九年傳賢季子則吳何以有君有大夫以季子為臣
則宜有君者也又曰許人臣必使臣許人字者必使子也注
緣臣子尊榮莫不欲與君父共之丑父賢則丑父榮而不及
其君非賢人所欲也故沒其賢文○注若以至難也○舊疏
云今若以丑父賢以為齊宜有君而不絕頃公即開諸侯不
死社稷大義禮曾子制言上云生以辱不如死以榮辱可避

避之而已矣及其不可避也君子視死若歸盧注不苟免也
孔氏廣森補注云董仲舒說春秋齊頃公不死於位以曾子
此義責之按襄六年齊侯滅萊傳不言萊君出奔國滅君死
之正也定十四年以頓子貜歸注不別以歸何國者頓子以
不死位爲重哀七年以邾婁子益來傳名絕之也是諸侯死
難之義也若僖五年晉人執虞公彼注云不但去滅復云以
歸言執者明虞公滅人以自亡當絕不得責以不死位也則
又異也○注如以至當貴○校勘記出當貴云閻監毛本同
誤也當作非王法所得貴按疏標起訖云注如以至得貴解
云但春秋爲王法是以不得貴耳則疏本作得字今毛本疏
標起訖亦改作當貴矣舊疏云丑父權以免齊侯是以齊人
得善之但春秋爲王法是以不得貴耳而公羊說解疑論皆
譏丑父者非何氏意按繁露竹林云逢丑父殺其身以生其
君何以不得爲知權正父欺晉祭仲許宋俱枉正以存其君
然而丑父之所爲難於祭仲祭仲見賢而丑父猶見非何也
曰是非難別者在此此其嫌疑相似而不同理者不可不察
夫去位而避兄弟者君子之所甚貴以生其君故君子以爲
甚賤祭仲措其君於人所甚貴以生其君故君子以爲知權
而賢之丑父措其君於人所甚賤以生其君春秋以爲不知
權而簡之其俱枉正以存其君相似也其使君榮之與使君
辱不同理故凡人之有爲也前枉而後義者謂之中權雖不
能成春秋善之魯隱公鄭祭仲是也前正而後有枉者謂之

邪道雖能成之春秋弗愛齊頃公逢丑父是也夫胃大辱以
生其情無樂故賢人不爲也而眾人疑焉春秋以爲人之不
知義而疑也故示之以義曰國滅君死之正也正也者正於
天之爲人性命也天之爲人性命使行仁義而羞可恥非若
焉獸然苟爲生命苟爲利而已又曰故欺三軍爲大罪於言其
免頃公爲辱宗廟於齊是以雖難而春秋不愛丑父大義宜
言於頃公曰君慢侮而怒諸侯是失禮大矣今被大辱而弗
能死是無恥也而獲重罪請俱死無辱宗廟無羞社稷如此
雖陷其身尙有廉名當此之時死賢於生故君子以爲生以
辱不如死以榮正是之謂也由法論之則丑父欺而不中權
忠而不中義以爲不然復察春秋之序辭也置王於春正之
間非曰上奉天施而下正人然後可以爲王也云爾今善善
惡惡好榮憎辱非人能自生此天施之在人者也君子以天
施之在人者聽之則丑父弗忠也天施之在人者使人有廉
恥有廉恥者不生於大辱大辱莫甚於去南面之位而束縛
爲虜也曾子曰辱若可避避之而已及其不可避君子視死
如歸謂如頃公者是則董生於丑父事反復申論 已酉及
言第言無可貴之義耳亦無譏丑父意與何氏合 已酉及
齊國佐盟于袁婁疏通義云此傳覆舉經句也尋此似公羊
家之經而誤腹耳推陳侯使袁僑如會戊寅叔孫豹及諸侯
之大夫及陳袁僑盟例之則國佐上正當再繫齊也按孔說

是曷為不盟于師而盟于袁婁注據國佐如師前此者晉卻

克與臧孫許同時而聘于齊注不書恥之疏毛本于誤與左

侯使卻克徵會于齊頃公幃婦人使觀之卻子登婦人笑于

房注跋而登階故笑之沈氏引穀梁為說則是年事也惟彼

無臧孫許耳通義謂不書此臧孫許於今元年始以名氏見

經蓋聘齊之時猶未為卿也凡內大夫行凡卿例不書按宣

十八年左傳臧孫許已能逐東門氏則非大夫所為孔氏之

說未然與董生何義皆乖○注不書恥之○舊疏云謂魯使

尊卿聘齊為所侮戲假藉大國而雪其恥是以不出如齊恥

之矣其卻克不書者自從外相加之例繁露玉英云傳曰臧

孫許與晉卻克同時而聘乎齊按經無有豈不微莠不書其

往而有避也今此傳言莊公馮而於經不書亦以有避也是

以不書聘于齊避所羞也不書莊公馮殺避所善也是何氏

不書恥之所本也校勘記云據疏此下有臧孫許也五字

一句今各本脫去則疏文無所系按舊疏云注臧孫許也

者正以當聘之時無有內魯之義晉為大國卻克宜先而魯

宜後傳先言或跋故知眇者是臧孫許矣或曰一本云臧孫

許跋舊解言或跋或眇眇據魯序上非也舊疏又云按此一句

宜在不書恥之下今定本無疑脫誤也校勘記云此二十字

疏內少言定本者定本乃唐初顏師古所爲則知公羊疏出
唐以前人矣經義雜記云穀梁傳成元年季孫行父禿晉卻
克眇衛孫良夫跋曹公子手僕同時而聘于齊釋曰卻克眇
左氏以爲跋今云眇者公羊無說未知二傳孰是范明年注
云卻克眇者意從左氏故也或以爲誤跋當作眇釋文卻克
眇亡小反良夫跋波可反二年傳跋卻獻子范解謂笑其跋
釋文跋布可反杜預注左傳云卻克跋此傳言卻克眇范注
當依傳而作跋者恐非按左傳宣公十七年晉侯使卻克徵
會于齊齊頃公帷婦人使觀之卻子登婦人笑于房獻子怒
出而誓曰所不此報無能涉河杜注跋而登階故笑之正義
曰沈氏引穀梁傳云魯行父禿晉卻克跋而登階故笑之正義
子首偃故婦人笑之是以知卻克跋也穀梁傳定本作卻克
眇孫良夫跋又公羊傳成二年晉卻克與臧孫許同時而聘
于齊蕭同姪子齊君之母也踊于楮而窺客則客或跋或眇
何注臧孫許眇者也元注云今本無此注徐疏引有之疏又
云今定本無疑脫誤也然則今本從定本也經義雜記又云
据左傳云卻子登婦人笑于房則卻克之跋左氏有明文矣
杜注與傳合沈文何引穀梁傳知古本穀梁作晉卻克跋衛
孫良夫眇故范二年注云謂笑其跋公羊傳上言晉卻克跋
孫許聘齊下言客或跋或眇何注以臧孫許爲眇則卻克跋
矣然則卻克之跋三傳同文自唐定本以穀梁傳跋眇互倒
釋文及疏皆從定本故陸氏反据傳以非范注楊疏引或說

亦以范注跋當作眇是使不誤者亦誤也何注公羊有臧孫
許眇者之言今楊疏云公羊無說則楊所據公羊亦定本也
釋文或眇亡小反在或跋布可反之下則陸所據公羊亦同
定本也讀書叢錄左氏正義沈氏引穀梁傳晉卻克跋衛孫
良夫眇藝文類聚十九御覽七百二十六引亦作晉卻克跋
衛孫良夫眇定本作晉卻克眇衛孫良夫跋非是按何氏此
注五字不宜系不書恥之下宜爲下使眇者逐眇者下注語
觀舊疏所引舊解可證合併時誤衍在此而又將下注文脫
去校書者誤勿卽此下注語故不可通蕭同姪子者齊君之
耳卻克跋自是定解以臧氏洪氏爲允蕭同姪子者齊君之
母也注蕭同國名姪子者蕭同君姪婦之子嫁於齊生頃公
疏注蕭同至頃公○史記作桐左傳作蕭同叔子杜注同叔
蕭君之字齊侯外祖父子女也沈氏欽韓左傳補注賈逵
曰蕭附庸子姓常謂蕭宋之附庸與宋同姓蕭叔大心卽蕭
之先附庸蓋以叔爲稱蕭叔朝公是也穀梁注蕭國也同姓
也姪子字也其母更嫁齊惠公生頃公宣十二年楚人滅蕭
故隨其母在齊以穀梁傳云以蕭同姪子之母爲質故范如
此解也與二傳史記皆殊千寶曰蕭同叔子惠公之妾頃公
之母也通義云蕭同者蕭君字同叔附庸之君以字通也姪
子猶言姪女頃公之母是蕭同叔之姪女也兄弟之子猶子
故左氏直云蕭同叔子矣水經注汭水篇蕭本蕭叔國宋附

庸楚滅之蕭女聘齊爲頃公之母卻克所謂蕭同叔子也按蕭爲國名同宜爲蕭君字姪子猶言姪女孔氏義爲明允何氏以蕭同爲國名春秋有蕭有蕭叔其蕭同別無所見姪子謂爲姪之子似亦迂范謂同爲姓列國無同姓者亦未知所

据踊于楮而窺客注踊上也凡無高下有絕加躡板曰楮齊

人語疏校勘記云鄂本及漢制考作踊于楮而窺客注同楮

本又作窺按紹熙本同各本○注踊上也○鄂本上作止非

公羊問答云此亦齊人語平曰晏子春秋齊景公爲露寢之

臺而鵲鳴其上公惡之臺成而踊此其證廣雅釋詁云踊上

也又云踊跳也禮記檀弓辟踊注踊躍用兵左氏僖二十八年

文足部踊跳也詩邶風擊鼓云踊躍用兵左氏僖二十八年

傳曲踊三百注跳踊也○注凡無至曰楮○舊疏云無高下

猶言莫問高下但當有縣絕而加躡板者皆曰楮矣吳氏凌

雲經說云說文楮楮也步項切卽今棒字非此義楮當讀與

桴同論語乘桴浮于海兩雅作乘桴桴之爲桴猶桴之爲桴

也古所謂桴今之浮橋是其遺制古所謂楮今之浮梯是其

遺制吳俗名浮梯爲踏楮從音從孚從付之字古皆同用左

傳編拊說文作編部部婁說文作附婁釋文楮音普口步候

二反未合古音按方言陸陸也郭注江南人呼梯爲陸所以

陸物而登者說文崎上黨猗氏阪也亦謂阪道如梯故得稱

隋隋禮皆與從音之字音近廣雅釋器云陪版也楮與陪同
釋文云高下有絕加蹠板曰楮脫一無字蹠者說文云蹈也
方言蹠登也廣雅釋詁云蹠履也釋名釋姿容云蹠蹠也登
其上使蹠履也高下縣絕有板橫其間可登如今匠氏之跳
矣則客或跛或眇於是使跛者迂跛者使眇者迂眇者迂

迎卿主迎者也聘禮賓至大夫率至于館卿致館宰夫朝服

致殯臉厥明至于館疏校勘記出迂字云唐石經諸本同釋

司農云訝讀為跛者訝跛者之訝釋曰此公羊傳文時晉使

卻克聘齊卻克跛齊使跛者往御御亦訝也按鄭司農所據

公羊傳作跛者訝跛者賈公彥所據公羊傳作跛者御跛者

皆與今本異訝正字御段借字迂俗字按釋文迂木又作訝

疑當本當作訝云本又作迂禮記曲禮大夫上必自御之法

御當為迂迂迎也春秋傳曰跛者御跛者眇者御眇者皆迂
也世人譏之與賈公彥所見木同晉世家卻克僂而魯使蹇
也即此之跛也穀梁傳上元年云齊使禿者御禿者使眇者
御眇者使跛者御跛者使僂者御僂者說文跛行不正也禮
記問喪跛者不踊易履九三跛能履有足疾者也說文目部
眇目小也履又云眇能視虞翻曰離目不正兌為小故眇而

視有目疾者也通義云左傳曰卻子登婦人笑于房然則卻
克跛也眇者謂許○注迂迎至者也○鄂本無也字禮聘禮
注以君命迎賓謂之訝訝迎也周禮掌訝云凡賓客諸侯有
卿訝卿有大夫訝大夫訝士皆有迂周禮注此謂朝覲聘問之日王所使迎
大夫士迂士皆有迂注云訝主國君所使迎待賓者如○注聘
賓于館之訝記注云訝主國君所使迎待賓者如○注聘
客此之迂即迎待賓者也卿主迎者當是主迎卿者○注聘
禮至于館○校勘記出大夫率至于館盧文弨云至當作迂
按儀禮卒作帥又出至于館云闕監毛本同誤也鄂本至作
訝當据正盧文弨曰儀禮胎作飪音義同按聘禮云大夫帥
至平館卿至館賓迎再拜卿致命賓再拜稽首卿退賓送再
拜卒夫朝服設殽飪一牢在西鼎九羞鼎三腥一牢在東鼎
七堂上之饌八西夾六門外米禾皆二十車薪芻倍禾上介
任一牢在西鼎七羞鼎三堂上之饌六門外米禾皆十車薪
芻倍禾厥明訝賓于館鄭注賓至此館主人以上卿禮致之
所以安之也蓋致館使卿重其禮也與訝者自別一人故卿
不俟設殽之畢即退也殽者鄭云食不備禮曰殽周禮牢夫
云掌賓客之殽率是也鄭又云飪熟也熟在西腥在東象春
秋也何氏連飪引之又以飪作脰彼有熟有腥此止言脰者
胡氏儀禮正義云或据毛傳熟食曰殽謂此殽之設無生牲
且雖有腥而主於熟賓即次未舉火以熟為先故云殽也按
下注亦有新至尙熟之說義可兩存焉是殽主於熟故何氏

連性臆引之鄭又云此訴下大夫也按禮厥明以下皆敘行聘廟中儀節故以為下大夫與上經帥至于館者同卻克賦係許皆卿常二大夫出相與踣閭而詔注閭當道門開一扇

開一扇一人在外一人在內曰踣閭將別恨為齊所侮戲謀

伐之而不欲使人聽之疏注閭當道門○穀梁傳客不悅而

荀子大略云弔者在閭注閭門文選注引字林云閭里門也

周禮秋官序官云脩閭氏注閭謂里門里居也民家散處皆

謂之里論語里仁是也故里門亦得為當道門不必二十五

家始為里也按脩閭氏云比宿櫟而守閭互互謂行馬閭其

門也說文是部迺互令不得行木如蒺藜上下相距形若犬

牙左右相制所以禁止行人是當道有互互更有門謂之閭

所以禁奇衰晏子曰急門閭之政而淫門惡之緩民閭之政

而淫民說是也墨子自楚還過宋大雨庇其閭中守閭者勿

內守閭者即周禮之宿互者也時魯衛大夫已出齊國必野

間分途之地相與私語而為人所覺也○注閉一至踣閭○

詩疏引字林云踣一足意也按一足者謂一足門外一足門

內猶騎物也因謂之踣釋名釋姿容云踣支也兩腳支別也

其強弱相踣者也方言踣奇也自關而西秦晉之間凡金物而體不具者謂之踣梁楚之間謂之踣雒梁之西郊凡獸支體不具者謂之踣漢書段會宗傳亦足以復雁門之踣應劭曰踣隻也踣隻不偶也此當讀如倚蓋跛倚而立一足著地故有奇隻之象廣雅云踣蹇也蹇卽跛也○注將別至聽之○宣十七年左傳獻子怒出而誓曰所不此報無能涉河獻子先歸使樂京廬待命于齊曰不得齊事無復命矣晉世家亦云卻克怒歸至河上曰不報齊者河伯視之齊世家亦有語移日然後相去齊人皆曰患之起必自此始注知必爲國家憂明芻蕘之言不可廢且起頃公不覺寤疏穀梁傳移日知之者曰齊之患必自此始矣○注明芻至可廢○說苑權謀云白屋之士皆關其謀芻蕘之役咸盡其心故萬舉而無遺籌失策傳曰眾人之智可以測天兼聽獨斷惟在一入此大謀之術也淮南主術訓使言之而是雖在褐夫芻蕘猶不可棄也鹽鐵論刺議云故謀及下者無失策舉及眾者無頓功詩云詢于芻蕘故布衣皆得風議韓詩外傳云故獨視不若與眾視之明也獨聽不若與眾聽之聽也獨慮不若與眾慮之切也故明王使賢臣輻輳並進所以通中正而致隱居之士詩曰先民有言二大夫歸相與率師爲鞏之戰齊師大詢于芻蕘此之謂也

疏左傳齊侯

賂以紀羸王磬與地注媚人國佐也疏引杜預國佐賓媚人

晉世家三事互見於經傳不知實嬖人是何等名號也按史記

公子彊爲質晉兵罷會齊伐魯取隆魯告急衛衛與魯皆因

其伐齊左傳作同北南以晉書韓厥以兵車入百乘與魯衛

問之○各本怪邪○此句與我思之風三

谷京曰與手和候之虞注齊襄公滅紀所得

縣邑其土肥饒欲得之或說獻玉甌疏穀梁傳卻克曰反魯

獻來以蕭同姪子之母爲質使耕者皆束其畝然後與子盟

○莊四年紀侯去其國是襄公滅紀也
○注齊襄至得之○莊四年紀侯去其國是襄公滅紀也

意言之○注或說廬王甗○公羊問答云或說何也○曰說以

獻餽也方言曰餽自關而東謂之獻郭注有言左傳齊侯使

故以斯爲名正義云鄭眾注考工云甗無底甗方言云甗

自關而東謂之戲。知戲是誼也。下文云子得其國寶知戲亦

以玉爲之。傳文玉在。齋戒。祀者。皆是玉也。穀梁傳。郤克以玉爲之。文玉在齋戒。祀者皆是玉也。穀梁傳。郤

公羊義疏五十

取二傳爲義按或說是也若是地名不必言紀侯之獻春秋
也紀侯之獻與大鼎同所謂器從名地從主人也爾雅釋器
云鼎之款足者爲鬲說文鬲鼎屬鬲屬蓋虞以金冶而成
有穀父獻鬲當作虞也竹書紀年定王十八年齊國佐來
獻玉磬紀公之獻亦以獻爲器也反魯衛之侵地使耕者東畝注使耕者東
西如晉地疏左傳賓媚人致賂晉人不可曰必以蕭同叔子
地○舊疏引舊云如者往也使齊東西其畝○注使耕至晉
非公羊義按杜云使璧畝東西行穀梁注欲以利其戎車於
騾侵易左傳又云今吾子疆理諸侯而曰盡東其畝而已唯
吾子戎車是利無顧土宜其無乃非先王之命乎則何氏謂
如晉地當訓如作往也而舊疏云晉地谷川宜東畝者多故
言此是以下傳云使耕者東畝是則土齊也何氏云則晉悉
以齊爲土地是不可行者是其晉東畝之義也其說非也讀
書叢錄云後漢書孔融傳注引公羊傳此與下文皆作使耕
者東西其畝按何注使耕者東西如晉地疏引舊云使齊東
西其畝往來於晉地易注及舊本皆當作東西其畝疏云蓋
晉地谷川宜東畝者多疏本已脫西其二字按無且以蕭同
西其字亦通穀梁左傳齊世家皆止作盡東其畝

姪子爲質注見侮戲本由蕭同姪子

疏

注見侮至姪子○晉世家八年使卻克於

齊齊頃公母從樓上觀而笑之齊世家齊侯請以寶器則吾

謝弗聽必得笑克者篇同叔子是爲其見侮戲故也

舍子矣國佐曰與我紀侯之厥請諾反魯衛之侵地請諾使

耕者東畝是則土齊也注則晉悉以齊爲土地是不可行疏

舊疏云亦有一本云是則土齊曰不可也者經義述聞云謹

案一本是也曰不可者國佐自答上語也齊君之母猶晉君

之母也曰不可不可上亦當有曰字皆後人不解古人文義

而刪之耳後漢書孔融傳注引此文云齊君之母猶晉君之

母也曰不可則所見本尚未刪曰字兩日不可與上文之兩

請諾相應爲文若去其一則文不相應矣又案是則土齊也

下何注云則晉悉以齊爲土地是不可行此正釋曰不可三

字也下注云言正尊不可爲質此亦釋下文曰不可三字也

上文皆曰不可故何注兩釋之若上文本無曰不可三字而

以下文之不可總上二事言之則上注不當先言是不可行

下注又不當但言不可爲質矣合兩注觀之則後人妄刪之

迹自明僖二年傳宋公曰自我爲之自我墮之曰不可亦是

自答上語也論語陽貨篇曰懷其寶而迷其邦可謂仁乎曰

不可好從事而亟失時可謂知乎曰不可彼文兩言曰不可

亦與此同原注兩曰不可皆陽貨之言說見四書釋地又云
墨子耕柱篇亦曰和氏之璧隋和之珠可以富國家眾人
治刑政安社稷乎曰不可按王氏之說是也穀梁傳亦曰反
魯衛之侵地以紀侯之獻來則諾此齊以軺與晉而曰與
者順卻克語荅之也○注則晉至可行○穀梁傳使耕者盡
東其畝則終土齊也注引凱曰利其戎車侵伐易則是以齊
爲土本何氏說也九經古義云按土讀曰杜古杜字皆作土
周禮及司馬法曰犯令陵政則杜之注王霸記曰杜之者杜
塞使不得與鄰國交通詳具禮說經義述聞云惠說非也耕
者東畝往來仍自可通交鄰之路豈由此而杜塞乎僖四年
穀梁傳說齊桓公侵蔡云不土其地不分其民明正也謂不
以蔡之地爲齊土非杜塞之謂也此云土齊亦謂以齊之地
爲晉土故何注云則晉悉以齊爲土也於義自通無煩改
讀按王氏所駁惠說甚爲允洽而通義引惠士奇曰古土杜
通毛詩自土沮漆自杜沮漆土齊猶杜齊也杜齊者謂改其
土地之宜絕其往來之路乃古杜之之法也晉文公反鄭之
埤東衛之畝者亦以此注云以齊爲土地失之然齊卽東其
畝亦無杜塞之理與周禮之杜之紀不相涉孔義不可從也
左傳先王疆理天下物土之宜而布其利故詩曰我疆我理
南東其畝引先王之命專斥盡東其畝之語尤與杜齊之說
無干也俞氏縹云謹按使耕者東畝晉非能遂得齊之土地
也且得齊之土地而謂之土齊亦近不辭何解殆失之惠氏

棟讓土曰杜引周禮及司馬法王霸記然耕者東畝往來仍
自可通交鄰之路豈由此而杜塞惠說亦未為得今按土當
讀為度土與度聲相近向書柴誓杜乃獲周官雍氏注引作
殷乃獲土之為度猶杜之為度也大司徒職曰以土圭土其
地鄭注云土其地猶言度地也並古文段土為度之證故土
方氏職曰以土地相宅即度地相宅也晉人使齊之封內盡
東其畝是有意規度齊國之土地故曰是則度齊也度與規
同義襄二十五年左傳曰度山休父曰規偃豬是規度一也
國語楚語曰實譏敗楚國使不規東夏章注曰規猶有也其
實規亦言規度也此云度齊猶彼之規東夏矣因段土為度
學者遂失其義僖四年穀梁傳曰不土其地不肅同姪子者
分其民明正也不土其地亦即不度其地也

齊君之母也齊君之母猶晉君之母也不可注言至尊不可

為質疏

齊世家對曰叔子齊君母亦猶晉君母子安質之且

姪子頃

公母頃公母猶晉君母奈何必得之不義穀梁傳以

肅同姪子

之母為質則是齊侯之母也注言尊同也是其義也○注

母也晉君

之母猶齊侯之母也注言尊同也是其義也○注

言尊至為

質○左傳肅同叔子非他寡君之母也若以匹敵

則亦晉君

之母也吾子布大命於諸侯而曰必質其母以為

信其若王

命何且是以不孝令也此至尊不可為質之義也

請戰注如欲使耕者東西畝質齊君之母當請戰疏晉世家

戰左傳對曰不然寡君之命使臣則有辭矣曰子以君師辱

於敝邑不腆敝賦以備從者畏君之震師徒撓敗吾子惠後

齊國之福不泯其社稷使繼舊好唯是先君之敝器土地不

敢愛子又不許請收合餘燧背城借一敝邑之幸亦云從也

況其不幸敢不唯命是聽彼云敝器土地不敢壹戰不勝請

再再戰不勝請三注言齊雖敗尚可三戰三戰不勝則齊國

子之有也何必以蕭同姪子為質揖而去之疏穀梁傳云不

戰不克請再再不克請三三不克請四四不克請五五注御克

不克舉國而授推手曰揖齊使對畢即去亦決戰意也疏御克

朕魯衛之使使以其辭而為之請注御克恥傷其威故使魯

衛大夫以國佐辭為國佐請疏校勘記出朕字云唐石經同

毛本誤作朕按紹熙本亦作朕釋文有王乙達結二反蓋唐

初本已有作朕者文七年傳注以因通指曰朕是也注御克

克至佐請注左傳魯衛諫曰齊疾我矣其死亡者皆親暱也

而紆於難其榮多矣蓋即會
卻克意以國佐解為請語也然後許之逮于袁婁而與之盟

〔注〕逮及也追及國佐于袁婁也傳極道此者本禍所由生因

錄國佐受命不受辭義可拒則拒可許則許一言使四國大

夫汲追與之盟疏左傳晉人許之對曰羣臣帥賦輿以為魯

也敢不唯命是聽秋七月晉師及齊國佐盟于袁婁穀梁傳

於是而與之盟晉世家晉乃許與平而去○注逮及至婁也

○爾雅釋詁云逮及也穀梁傳曰婁去國五百里爰婁去國

五十里壹戰綿地五百里焚維門之焚侵車東至海又云爰

婁在師之外如穀梁意則已過近齊都退與盟于袁婁也此

云逮于袁婁當在婁之東國佐攝而去之魯衛追及之也要

皆去齊都不遠故左傳有背城借一之語也○注傳極至由

生○穀梁傳君子問之曰夫甚甚之辭焉齊有以取之也齊

之有以取之何也敗衛師于新築侵我北鄙故卻獻子齊有

以取之也繁露竹林云齊頃公親桓公之孫固廣大而地

勢便利矣又得伯主之餘尊而志加於諸侯以此之故難使

會同而易使驕奢即位九年未嘗肯一與會同之事有怒魯

衛之志而不從諸侯于清丘斷道春往伐魯入其北郊願返

伐衛敗之新築當是時也方乘勝而志廣大國往聘慢而弗

敬其使者晉魯俱怒內悉其眾外得黨與衛曹四國相輔大
困之案獲齊頃公斷逢丑父深本頃公之所以大辱身幾亡
國為天下笑其端乃從攝魯勝衛起伐魯魯不敢出擊衛大
敗之四得氣而無敵國以興患也故曰得志有喜不可不戒
此其效也說苑敬慎云夫福生於隱約而禍生於得意齊頃
公是也齊頃公桓公之子孫也地廣民眾兵強國富又得伯
者之餘尊驕蹇怠傲未嘗出會同諸侯乃興師伐魯反敗衛
師于新築輕小嫂大之行甚俄而晉魯往聘以修舊好二國
怒歸求黨與助得衛及曹四國相輔期戰于鞌大敗齊師獲
齊頃公斷逢丑父於是懼然大恐賴逢丑父之欺奔逃得歸
○注因錄至之盟○校勘記出汲汲與之盟云鄒木疊汲字
此脫按紹熙本亦疊汲字莊十九年傳聘禮大夫受命不受
辭禮聘禮記辭無常孫而說注大夫使受命不受辭故善國
佐可拒則拒可許則許安社稷利國家能專之也繁露王道
云齊國佐不辱君命而尊齊侯後漢孔融傳昔國佐當晉軍
而不撓禮記少儀云會同主謝注謝謂敬而有功若齊國佐
是也通義云傳道此者明晉未能枯齊進
退權在國佐與屈完來就盟于師者異也

八月壬午宋公鮑卒

疏包氏慎言云八月書

庚寅衛侯遫卒

疏包氏慎言云庚寅九月之九日不蒙上月左氏穀梁作速字史記十二諸侯年表衛穆公

邈

取汶陽田

汶陽者何鞏之賂也注以國佐言反魯衛之侵地請諾本所

侵地非一總繫汶陽者省文也不言取之齊者耶內秉勝脅

齊求賂得邑故諱使若非齊邑疏左傳僖元年云公賜季友汶陽之田注汶陽田汶水

北地汶水出泰山萊蕪縣西入濟釋例汶水出泰山萊蕪縣

西南經濟北至東平須昌縣入濟注以國至請諾見上

傳左傳使齊人歸我汶陽之田注本所至文也舊疏云

知侵伐非一者正以下三年叔孫僑如率師圍棘傳曰棘者

何汶陽之不服邑也以此言之則知汶陽大判之名明矣注不言至齊邑舊疏云決襄十九年春取邾婁田自鄆水

繫邾婁言之故也通義云不繫齊者本所侵取內邑也內邑

而不言齊人來歸者呂大圭曰歸者其意也取者我也非其

意也按此與僖三十一年取濟西田不書取之曹同為有所

避也彼為避取同姓田故不言曹此為避藉人之力齊求

賂無恥故不言齊若但以內邑故不繫國齊則彼之不繫

曹亦可從內邑不言國之例無庸發諱取同姓田之傳矣

冬楚師鄭師侵衛

十有一月公會楚公子嬰齊于蜀

杜云博縣西北有蜀亭大

西南四十里有蜀山其下有蜀山湖與南旺湖東西相對焉

秦安府接境通義云家鉉翁曰自楚僭王其公子亦僭而稱王子久矣今書楚公子春秋革之也

丙申公及楚人秦人宋人陳人衛人鄭人齊人曹人邾婁人薛

人鄆人盟于蜀

疏包氏慎言云十一月書丙申月之十五日

云唐石經諸本同差繆略云左氏無許人公羊無齊人者脫也校勘記石經左氏公羊皆無許人有齊人石經穀梁泐今本穀梁與左氏同通義云問無事再舉地者以公在焉從諸侯會盟例也鄆微國盟會恒不序獨此序者鄆君戕于邾婁未三年而二國大夫同盟忘仇蔑君莫此為甚所聞之世始治諸夏故小國有大惡亦在議限義或然也

此楚公子嬰齊也其稱人何注据會而盟一處知一人也疏

注据會至人也○鄂得一貶焉爾注得一貶者獨此一事得本据作據當據正

其見其惡故貶之爾不然則當沒公也如齊高後矣不沒公者明不主爲公故也上會不序諸侯大夫者嬰齊楚專政駭蹇臣也數道其君率諸侯侵中國故獨先舉於上乃貶之明

本在嬰齊當先誅其本乃及其末疏

紹熙本作壹貶校勘記出一貶云唐石經一作

壹蓋因何注作一貶轉改也通義云大夫不敵君本當貶稱人但會盟兩貶則嫌楚實微者故特見公子嬰齊名氏於上而於此一貶以申其義也按既言大夫不敵君則貶宜皆微設僅一會或一盟將稱人以貶乎抑不稱人以起其非實微者乎故不可通也○注得一至之爾○舊疏云正以於此處得一貶焉爾按一當如壹解謂專壹於貶楚嬰齊也○注不然至僖矣○莊二十二年秋及齊高後盟于防傳云公則曷爲不言公諱與大夫盟也此不爲公諱沒公文爲欲貶嬰齊故也○注不沒至故也○舊疏云高後本意敵公故恥之今嬰齊者止自亢性驕蹇不主爲公是以春秋不沒公以見之矣按何意謂主於貶嬰齊故不沒公文也穀梁所謂於見而後公得所也注公得其所謂楚稱人中其事謂地會盟會○注上會至其未○穀梁傳楚無大夫其曰公子何也嬰齊亢也數道其君率諸侯侵中國者舊疏云卽宣十四年秋楚子

國宋十五年夏宋人及楚人耳上文冬楚師鄭師侵衛之屬
是也以其非一故謂之數也包氏慎言云此言楚子之侵伐
中國由於嬰齊道之孟子所謂長君之惡者也故當先誅嬰
齊齊侯瑗亟伐諸侯罪當經嬰齊道君侵伐中國與亟伐者
同科亦當絕故貶稱人同於微者明其黜退奪其政權僖二
十八年正不氏者子玉得臣楚之驕蹇臣數道其君侵中國
故貶明當與君俱治言當治以亟伐之罪宜絕其氏姓也按
上舉嬰齊此貶稱人起人即嬰齊也猶僖二十八年下殺得
臣上稱人明上之人即下之得臣也大夫不敵君故諸侯大
夫皆貶稱人先舉嬰齊於上以貶之誅首惡也先本以及未
也

皇清經解續編卷千二百三十九

南菁書

公羊義疏五十一

句容陳立卓人著

成三年
盡七年

三年春王正月公會晉侯宋公衛侯曹伯伐鄭疏穀梁注云宋

同於正君故書
公侯以識之

辛亥葬衛繆公疏釋文繆音穆左氏穀梁作繆詳隱三年包氏

包氏所推則為過
時而日隱之也

二月公至自伐鄭疏舊疏云莊公六年傳云得意致會不得意

此言公至自伐鄭者不得意故也通義云時諸侯次於伯牛
遣師東侵鄭敗於丘輿故以不得意致伐也舊疏又云莊六

年注云皆例時今此書
二月者為下甲子出也

甲子新宮災三日哭疏包氏慎言云二月書
甲子月之十四日

新宮者何宣公之宮也注以無新宮知宣公之宮廟疏穀梁傳曰

新宮者何禘宮也注謂宣公廟也三年喪畢宣公神主新入廟故謂之新宮杜亦云三年喪畢宣公神主新入廟故謂之

新宮范所本也○注以無至宮廟○校勘記云按當作以無

新公乃合魯桓公廟謂之桓宮傳公廟謂之僖宮煬公廟謂

之煬宮魯無新公宣宮則曷爲謂之新宮不忍言也注親之

故疑之而問也精神所依而災孝子隱痛不忍正言也謂之新宮者因新入

宮易其西北角示昭穆相繼代有所改更也疏通義云始入

以神事孝子之志也穀梁傳曰迫近不敢稱諡恭也注迫近

言親禘也桓僖遠祖則稱諡○注親之至言也○穀梁注云

宮廟親之神遠所憑居而遇災故以哀哭爲禮故亦不忍正

言其諡也○注謂之至更也○邵氏晉愼爾雅正義云御覽

引舍人云古者徹屋西北扉以炊沐汲者訖而復之古謂之

屋漏也釋名曰西北隅曰屋漏禮每有親死者徹屋之正

隅薪以爨燂煮沐供諸喪用時若值雨則漏遂以名之也必

取是隅者禮既祭改設饌於西北隅喪大記云甸人取所徹

廟之西北扉薪用爨之是劉熙所引之禮也劉與舍人同義

唯曰雨漏訓屋漏爲增成其義爾詩疏引孫炎云屋漏者當

室之白日光所漏入按有司徹云有司官徹饌於宮中西北隅鄭注云於此戶設改饌當室之白曾子問陽厭之事當室之白鄭注云得戶明者也蓋西北隅為幽隱之地漏見日光故為當室之白義本康成也按穀梁傳壞廟之道易檐可也即謂易其西北角當在廟時與新死撤西北扉者自是兩事毛氏奇齡春秋毛氏傳云新主入廟禮無明文唯春秋吉禘在二十七月繼禘之後以禘月遇吉祭雖可以奉主祭廟然猶是耐祖而不以妃配必逾月吉禘然後遷祖於禘廟名曰新宮今宣以十八年十月薨則成二年十一月吉禘之際其年正月為禘至是二月禘已逾月正二十八月吉禘之際其名新宮當在吉禘後已經遷主故燬而哭之也新宮即先公之宮先公居五廟之末名曰禘廟伯禽以來即已有之雖名曰新宮而實則舊廟必待吉禘之日將四親廟并祧合食大祖及其臨徹先迎高廟一位隨諸祧主還遷廟中然後逐隊隨三親歸分高曾祖禘而各入廟焉是一日不吉禘則一日不遷廟一日不遷廟則一日不易廟也若謂丹楹刻桷在莊二十三年此則已舊而不新故稱桓耳若初入廟則未有不稱新者不聞夏宗伯稱新鬼大乎按此稱新宮自以新入廟而災故不忍正言若丹楹刻桷無所不忍即新宮在莊公初年亦可正稱桓其言三日哭何注据桓僖宮災不言三日哭疏注据桓宮矣其言三日哭何注据桓僖宮災不言三日哭

○鄂本据作據桓 廟災三日哭禮也注善得禮痛傷鬼神無

所依歸故君臣素縞哭之疏○穀梁傳三日哭哀也其哀禮也

異云何以言災有哭也春秋曰新宮災三日哭傳必三日哭

何也禮也所以然者宗廟先祖所處鬼神無形體曰今忽得

天火得無為災所中故哭也禮記檀弓曰有焚其先人之室

則三日哭故曰新宮火亦三日哭注哭者哀精神之有虧傷

也故曾子問曰諸侯旅見天子入廟門不得終禮廢者幾孔

子曰四請問之曰太廟火注太廟始祖廟宗廟皆然記主於

始祖新宮災何以書記災也注此象宣公篡立當誅絕不宜

言耳

列昭穆成公幼少臣威大重結怨彊齊將不得久承宗廟之

應疏五行志上云新宮災穀梁以為宣公不言謚恭也劉向

大夫公孫歸父如晉謀未反宣公死三家請歸父於成公成

公父喪未葬聽讖而逐其父之臣使奔齊故天災宣廟明不

用父命之象也一日三家親而亡禮猶宣公殺子赤而立亡

禮而親天災宣廟欲示去三家也董仲舒以為成居喪無哀

戚心數興兵戰伐故天災其父示失子道不能奉宗廟也一

曰宣殺君而立不當列於羣祖也經義雜記云按公羊當從

董說天意以成失子道不能奉宗廟不如災之欲成公之追
念其父寢兵息民也若謂以宣篡立故災之則天何不誅之
於未亡之先而必欲災之於入廟之後乎何注謂臣威太重
結怨強齊則與宣廟無涉穀梁當從劉說謂成不能用父命
以誅三家夫能用父命方可謂之孝天意若曰爾不能用父
生前之命安用死後之廟哉不如災之庶成能感悟追用父
命方可謂之孝有禮而恭非孝子之能事也檀弓說申生自
卒而以爲恭世子鄭康成云言行如此可以爲恭於孝則未
之有余謂公羊穀梁云禮也者皆微詞以婉刺也何休杜預
云善得禮失經傳之旨亦非董劉之意也至謂天欲去三家
故災宣廟以示之雖天意昭昭每因此以示彼然較之不欲
父命之說似疏矣按當以五行志一曰說爲正臧氏謂天何
不誅之未亡之先而必欲災之於入廟之後大商臣弑父尙
未顯誅亂臣賊子天雖昭報不爽安能駢示之罰適宣宮災
故春秋書以示戒也傳云禮也亦謂其三日哭得處變之禮
也何有微文婉刺其卽譏貶宣成已於災著之矣何氏謂成
公幼少云云係推言之爾新宮爲廟之極親故以不得久承
宗廟爲戒也通義云桓宣皆篡立者二公之宮並以災書於
春秋上本天道下正人事灼然著明有若符契是也舊疏云
桓公亦篡立不災其宮者蓋以桓母言賤次第宜立隱公攝
位久不還天示其變隱猶不覺是以隱九年三月癸酉大雨
震電何氏云此陽氣大失其節猶隱公久居位不返於桓失

其宜也然則桓正宜立隱是左膝之子據位失宜而桓弑之
雖曰篡君其罪差輕是以不災其廟豈若宣公以庶篡嫡其
子失政故災其宮矣而哀三年桓宮僂宮災者彼是已毀後
復立之是不宜立故天災之不謂怒其篡隱也按舊說亦泥
桓宣同爲弑君無分輕重桓廟不災或偶不災爾天道遠人
道邇天事焉能盡如人測乎况桓公不終於濟受害甚婦天
之報之者不爲不慘矣
故不必更災其廟與

乙亥葬宋文公

夏公如晉

鄭公子去疾率師伐許

公至自晉

秋叔孫僑如率師圍棘

棘者何汶陽之不服邑也

注

棘民初未服於魯

疏杜云棘汶

在濟北蛇丘縣大事表云今當爲泰安府肥城縣地水經注
汶水篇汶水又西滿水注之水出東北馬山西南流徑棘亭

春秋成公三年叔孫僑如圍棘南去汶水八十里方輿紀要在兗州濟陽縣西北○注棘民至於魯○舊疏云言初未服者欲言終服於魯矣公羊之義以圍爲不克之文若其言圍其得之而言圍者正謂當時未克何妨終得之乎

之何注據國內兵不舉疏○注據國至不舉○舊疏云卽定八年公斂處父帥師而至經不書之

是不聽也注不聽者叛也不言叛者爲內諱故書圍以起之

不先以文德來之而便以兵圍之當與國外邑同罪故言圍

也得曰取不得曰圍疏○左傳取汶陽之田棘不服故圍之○

隨未退聽也疏聽從也故昭二十六年左傳姑慈婦聽亦謂婦從也不從故叛成十六年左傳鄭伯如晉聽成注聽受也

不受成亦卽叛義必內諱叛故於書圍起之○注不先至圍之○論語季氏云蔽遠人不服則修文德以來之今不然故

諫之舊疏云國內之兵本自不書而此書者惡其失所會與

圍外邑同矣○注得曰至曰圍○舊疏云取者是得文故言

得曰取卽上文取汶陽田及哀九年宋皇瑗帥師取鄭師於雍丘之屬是也不得曰圍者卽定四年楚人圍蔡之屬是也

大雪注成公幼少大臣秉政變亂政教先是作丘甲爲鞏之戰

伐鄭圍棘不恤民之所生

注成公至所生○作丘甲見上元年葦之職見上二年伐鄭圍

棘並見上桓五年傳大雩者何旱祭也注祭言大雩大旱可知

晉卻克衛孫良夫伐將咎如

疏左氏作屠咎如穀梁作屠咎如古將屠咎如月得聲通屠咎如是

从牆之省聲也儀禮經傳通解續引書大傳洛誥傳負牆而歌又多士傳天子賓庸鄭注庸謂之庸又說棘庸外閉之即祭義之棘牆也詩小雅常棣兄弟鬩于牆釋文牆本或作牆是也左傳曰討赤狄之餘焉杜注庸咎如赤狄別種潞氏入庸咎如故討之大事表云按是年赤狄之種盡絕

冬十有一月晉侯使荀庚來聘

衛侯使孫良夫來聘

丙午及荀庚盟丁未及孫良夫盟

疏包氏慎言云十一月書丙午丁未一為閏月之朔日

一為閏月之二日也

此聘也其言盟何注据不舉重嫌生事故此以輕問重也疏

注据不至重也。○舊疏云春秋之義舉重略輕卽莊十年傳戰不言伐圍不言戰入不言圍滅不言入書其重者也是也。今聘盟兩受命書故云不舉重矣。嫌生事者嫌是荀庚初受命但聘至魯生事而盟故曰嫌生事也。以輕問重者聘輕而盟重卽此傳云此聘聘而言盟者尋舊盟也。注尋猶尋繹也。也其言盟何是也。

以不舉重連聘而言之知尋繹舊故約誓也。書者惡之詩曰君子屢盟亂是用長二國旣修禮相聘不能相親信反復相

疑故舉聘以非之疏

注尋猶尋繹也。○說文尋繹理也。釋猶

尋長也。海岱大野之間曰尋。自關而西秦晉梁益之間凡物長謂之尋是也。哀十二年左傳若可尋也。禮疏引賈逵注尋溫也。服注同杜云重也。皆與尋繹義相足。左傳兩言且尋盟與此同。范云此先聘而後盟故不言來盟也是也。○注以不至誓也。○舊疏云若其特結約誓當但舉重卽文十五年宋司馬華孫來盟宣七年衛侯使孫良夫來盟之屬皆因聘爲之不言聘而言盟故知特結盟此則言聘又言盟故知非特結盟而尋繹舊事無盟矣。○注書者至非之。○解詁箋云來盟者亦先行聘此所聞世詳錄之故不舉重惡屢盟也。按言亦所聞世宋華孫衛孫良夫何不詳錄之與君子屢盟二語

詩小雅巧言文毛傳凡國有疑會同則用盟而相要也箋云
屢數也盟之所以數者由世衰亂多相背違時見曰會殷見
曰同非此時而盟謂之數此修禮相聘復有疑貳而
盟故並舉以見其非解詁箋云皆曰亦惡不信是也

鄭伐許注謂之鄭者惡鄭襄公與楚同心數侵伐諸夏自此之

後中國盟會無已兵革數起夷狄比周爲黨故夷狄之疏

之至狄之○左傳疏引賈逵云鄭小國與大國爭諸侯仍伐

許不稱將帥夷狄之刺無知也范甯云鄭從楚而伐衛之喪

又叛諸侯之盟故狄之穀梁昭十二年晉伐鮮虞傳不正其

與夷狄交代中國故狄稱之此定四年傳吳何以不稱子反

夷狄也是皆以不稱爵爲狄之也繁露竹林云春秋曰鄭伐

許奚惡於鄭而夷狄之也曰衛侯速卒鄭師侵之是伐喪也

鄭與諸侯盟于蜀以盟而歸諸侯於是伐許是叛盟也伐喪

無義叛盟無信無信無義故大惡之按鄭自宣十二年後敗

晉圍宋執解揚致諸夏弱蠻楚

四年春宋公使華元來聘

三月壬申鄭伯堅卒疏釋文堅作堅云苦刃反木或作堅按舊

疏云左氏作堅字穀梁作賢字今定本

亦作堅字則疏本亦作取與釋文同也今穀梁亦作堅又後
人據左氏改矣九經古義云公羊作取穀梁作賢本一字也
說文云取古文以為賢字漢潘乾校官碑云親取寶智三老
袁良碑云優取之寵今文盤庚云優賢揚愿見三國志注是
優取即優賢也玉篇又引作佢佢與堅同取亦為古文堅字
堅又與賢通東觀漢記云陰城公主名賢得續漢書天文志
作堅得疑古堅字賢字皆省作取以公羊从古文作取穀梁以
為賢左氏以為堅師讀各異故也按說文取堅也从又臣聲
讀若經鏘之鏘知古文取堅賢三字通也玉篇之佢當是佢
字之誤釋名釋采帛云絹緹也其絲緹厚而疎也畢氏沅疏
證云今本經皆作矩譌段云緹古堅字當从系臣
聲是也包氏慎言云三月書王申月之二十八日

杞伯來朝

夏四月甲寅滅孫許卒

疏包氏慎言云四月書甲寅四月無甲寅五月之十一日也

公如晉

葬鄭襄公

秋公至自晉

冬城運疏

左氏作鄆下五年秋大水注作城鄆左氏正義引釋

東鄆莒魯所爭者城陽姑幕縣南有員亭或曰鄆即員也成
十六年傳晉人執季孫文子公待於鄆杜云此西鄆昭公所
出居者東鄆廩丘縣東有鄆城然則此為公欲叛晉而城鄆
以為備當西鄆也大事表云今在山東曹州府鄆城縣東六
十里鄆自唐季為戰爭要地馬氏宗棣左傳補注云釋例以
此為西鄆非是此為莒魯所爭之東鄆郡國志琅邪東莞有
鄆亭棣按鄆近費故為季氏邑漢五行志成公五年秋大水
董仲舒劉向以為時成幼弱政在大夫前此一年再用師明
年復城鄆以彊私家師
古注鄆季氏邑是也

鄭伯伐許

注未踰年君稱伯者時樂成君位親自伐許故如其

意以著其惡疏

注未踰至其惡○莊三十二年傳云君存稱

二十五年夏衛侯燬卒秋葬衛文公冬書滿于是也本年三
月鄭伯敗卒此書鄭伯稱爵故解之通典引五經異義諸侯
未踰年出朝會與不朝會何稱春秋公羊說云諸侯未踰年
不出境在國中稱子以王事出亦稱子非王事而出會同安
父位不稱子鄭伯伐許未踰年以王事出則稱爵謂於王事不
侯未踰年在國內稱子以王事出則稱爵謂於王事不敢伸

其私恩鄭伯伐許是也謹案春秋不以家事辭王事諸侯藩
衛之臣雖未踰年以王事稱爵是也鄭駁之云昔武王卒父
業既除喪至孟津之上猶稱大子者是為孝也今未除喪而
出稱爵是與武王義反矣春秋僖九年春三月丁丑宋公禦
說卒夏公會宰周公齊侯宋子衛侯鄭伯許男曹伯于葵
宋子即未踰年君也出與天子大夫會非王事而稱子即是
鄭用公羊義也曲禮下正義公羊凡以王事出會未踰年皆
稱子僖九年會于葵丘宋襄公稱子僖二十八年會于踐土
陳其公稱子定四年會召陵陳懷公稱子若木踰年非王事
稱爵皆譏爾成四年鄭伯伐許是也左氏之義凡在喪王曰
小童公侯曰子未襄公陳其公稱子是也其王事出會則稱
爵鄭伯伐許是也按桓十三年經書衛侯為惠公成三年經
書宋公衛侯時宋文公衛穆公未葬此並先君未葬而稱爵
者賈服注譏其不稱子僖二十五年會衛子呂慶盟于洮時
先君已葬衛成公猶稱子服虔云明不失子道成十年晉侯
伐鄭時厲公父景公疾未薨而厲公出會稱爵譏其生代父
位也然則左氏先師皆不以在喪稱爵為禮與公羊同異義
所載左氏說不知何人臆見致杜預輩得以彌縫其無父無
君之見故鄭駁從公羊為不易之論也繁露竹林云問者曰
是君死其子未踰年有稱伯不子法辭其罪何曰先王之制
有大喪者三年不呼其門順其志之不在事也詩云高宗諒
闇三年不言居喪之義也今縱不能如是奈何其父卒未踰

年卽以喪舉兵也春秋以薄恩且施失其子心故不復得稱
子謂之鄭伯以辱之也且其先君襄公伐喪叛盟得罪諸侯
諸侯怒之未解惡之未已繼其業者宜務善以覆之今又重
以無故居喪以伐人父伐人喪子以喪伐人父加不義於人
子施其恩於親以犯中國是父負故惡於前已起大惡於後
諸侯果怒而憎之卒而俱至謀其擊之鄭乃恐懼去楚而成
蠱牢之盟是也楚與中國狹而擊之鄭能倣危亡終身愁幸
吾本其端無義而敗由輕心然孔子曰道千乘之國敬事而
信知其爲得失之大也故敬而慎之今鄭伯既無子恩又不
熟計一舉兵不當被患不窮白取之也是以生不得稱子去
其義也死不得書葬見其罪也曰有國者視此行身不放義
興事不審時其如此爾此公羊先師舊義故何氏依用之焉

五年春王正月杞叔姬來歸注始歸不書與鄭伯姬同疏注始

姬同○宣十六年鄭伯姬來歸注嫁不書者爲媵也來歸書
者後嫡也棄歸例有罪時無罪月則今書月爲無罪文也穀
梁傳婦人之義嫁曰歸反曰來歸杜云出也上年左傳云杞
伯來朝歸叔姬故也是也禮記雜記云諸侯出夫人夫人比
至於國以夫人之禮行至以夫人入注行道以夫人之禮者
棄妻致命其家乃義絕不甲此爲始故仍繫杞也易同人六
二禮疏引鄭注云天子諸侯后夫人無子不出則猶有六出
也其天子之后雖失禮亦不出故禮記疏引鼎初六鄭注云

嫁於天子雖失禮無出道廢遠而已若其無子不廢遠之
后尊如故其犯六出則廢之此與邾叔姬其皆犯六出與

仲孫蔑如朱

夏叔孫僑如會晉荀秀于穀疏

左氏作荀首穀梁同按秀首同部段借字

梁山崩

梁山者何河上之山也疏

校勘記云唐石經鄂本闕本同監毛木河作江誤也穀梁山注梁山晉

之望也杜云在馮翊夏陽縣北經義述聞云此梁山非詩之梁山也詩之梁山在涿郡良鄉縣北乃澤水所經去河甚遠不得云梁山崩壅遏河水三日不流其韓城在涿郡方城縣與燕甚近故詩曰溥彼韓城燕師所完非在晉地之韓也此梁山則在馮翊夏陽縣西北臨於河上故梁山崩壅河三日不流也夏陽春秋之梁國亦非韓也自康成箋詩始誤以奕奕梁山為夏陽之山又誤以韓城為晉所滅之韓國而隋人遂改夏陽為韓城縣楊氏不能糾正而承用之疏矣按爾雅釋山梁山晉望也郭注晉國所望祭者今在馮翊夏陽縣西北漢書地理志左馮翊夏陽縣禹貢梁山在西北今梁山在同州府郃陽韓城二縣境大事表梁山在今陝西同州府韓城縣西北九十里詩奕奕梁山惟禹甸之本為韓國鎮山晉

減韓其地屬
注云河水又
梁山在同州
界通義云梁

晉仍本鄭義以詩之梁山卽南徑梁山原公羊傳所謂河韓城西十九里與郃陽縣接山不繫國者與沙鹿同義

梁山崩何以書記

異也何異爾大也何大爾梁山崩壅河三日不汜注故不曰

以起之不書壅河者舉崩大爲重疏

校勘記云雍河三日不
 唐石經諸本同釋文

壅河於勇反不音流按釋文當本作雍今从土當後人所加穀梁傳梁山崩壅遏河三日不流又替者對曰壅遏河三日不流彼釋文壅遏於勇反下於葛反經義雜記曰公羊傳壅河三日不流無遏字壅遏義同不當復見傳又云天有山山崩之天有河河壅之亦有壅無遏疑二遏皆衍文或本爲注義誤入傳中漢書五行志穀梁傳曰應河三日不流則西漢儒所据穀梁無遏字陸德明爲遏作音是唐初本已衍矣釋文不音流通義不音流字水經注河水篇河本又南逕梁山原東南出至河晉之望也在馮翊夏陽縣之西臨於河上山崩壅河三日不流晉使以此問伯宗卽是處也春秋穀梁傳曰成公五年梁山崩遏河水三日不流以遏代壅知不得壅遏兼有也○注故不日以起之○舊疏云謂起其三日不也則但一日不可不書日矣若無所起例當外異不書疏

云正以文十一年長秋之齊晉不書故也此何以書為天下記異也注山者陽精

德澤所由生君之象河者四瀆所以通道中國與正道同記

山崩壅河者此象諸侯失勢王道絕大夫擅恣為海內害自

是之後六十年之中弑君十四亡國三十二故漢梁之盟偏

刺天下之大夫疏注山者至內害○校勘記出與正道同云

王剛雅釋水云江河淮濟為四瀆五行志下之上梁山崩穀

梁傳曰臨河三口不流晉君帥羣臣而哭之迺流劉向以為

山陽君也水陰民也天戒若曰君道崩壞下亂百姓將失其

所矣哭然後流喪亡象也梁山在晉地自晉始而及天下也

後晉暴殺三卿厲公以弑漢梁之會天下大夫皆執國政其

後孫甯出衛獻三家逐魯昭單劉亂王室董仲舒說略同劉

歆以為梁山晉望也崩苑崩也古者三代命祀祭不越境吉

凶禍福不是過也國主山川崩川竭亡之徵也美惡周必

復是歲歲在鵠火至十七年復至鵠火樂書中行僊殺厲公

而立悼公按劉歆專主晉說董仲舒劉向說與為天下記異

義合通義云山者高大尊道也河者所以宣通潤澤此象君

位陵遲德澤壅遏自是之後禮樂征伐自大夫出徧於天下

按博物志云山崩川溢臣盛君衰詩云百川沸騰山冢峩崩
高岸爲谷深谷爲陵小人握命君子陵遲大亂之道也義通
於此漢書劉向傳曰天變見於上地變動於下水泉沸騰山
谷易處謂此水經注引考異邳云河者水之氣四瀆之情也
所以流地故曰河潤千里此壅之不流故爲王道將絕之象
劉董取象於民不若何氏爲允○注自是至十二○舊疏云
春秋說文若對經數之從今以後訖於六十年則不及此數
自今盡昭十六年弑君止亡國止九然則春秋書遂其可
書者矣說文舉者悉言之是以多少異爾或者此注誤也舊
疏又云弑君十四者襄二十五年齊崔杼弑其君光吳子門
于巢爲巢人所弑二十六年衛甯喜弑其君剽二十九年閻
弑吳子餘祭三十年蔡世子般弑其君固三十一年莒人弑
其君密州昭八年陳招殺偃師十一年楚子殺蔡侯般十三
年楚公子比弑其君虔楚公子棄疾弑公子比是也亡國止
九者成十七年楚滅舒庸襄六年莒人滅鄆齊侯城莒十年
遂滅偃陽十三年取詩二十五年楚滅舒鳩昭四年遂滅厲
八年楚滅陳十三年滅蔡是也按成十八年晉弑其君州蒲
又襄七年鄭伯髡頑卒于櫟傳云弑也昭元年楚子卷卒左
傳以爲圍所弑數楚虔殺蔡侯般則昭十六年楚殺戎曼子
亦宜列入是十四也○注故誤至大夫○校勘記云漢梁監毛
本同誤也鄂本閩本作誤釋文誤苦闕反當據正義十六年

公會晉侯以下于溴梁戊寅大夫盟傳諸侯皆在是其言大
夫盟何信在大夫也何言乎信在大夫徧刺天下之大夫也
曷爲徧刺天下之大
夫君若贅旒然是也

秋大水注先是既有丘甲素棘之役又重以城郭民怨之所生

疏

注先是至所生○五行志上成公五年秋大水董仲舒劉

向以爲時成幼弱政在大夫前此一年再用師明年復城
鄆以疆私家仲孫蔑叔孫僑如顓會朱齊陰勝陽按彼引五
行傳曰簡宗廟不禱祠廢祭祀逆天時則水不潤下說曰水
北方終成萬物成也其於人道命終而形藏精神放越聖人
爲之立廟以收魂氣春秋祭祀以終孝道王者卽位必郊祀
天地禱祈神祇望秩山川懷柔百神亡不宗事愼其齊戒致
其嚴敬鬼神欲獲多獲福助此聖王所以順事陰陽調而終
地至發號施令亦奉天時十二月成得其氣則陰陽調而終
其性如此則水得其性矣若乃不敬鬼神致令逆時則水失
爲水不潤下時魯方謀立武宮故有簡宗廟之戒也此專主
立武宮示異與董劉何皆殊通義云時謀立毀廟故有簡宗
廟之戒魯人不悟卒蹈失禮也接作上甲見上元年鞏之戰
見上二年圖棘見上三年城郭見上四年按但謀立武宮天
卽示以大水傷害稼天心仁愛恐不如是設謀而不立此異

將何屬當以董
劉何三家為正

冬十有一月己酉天王崩

注

定王包氏慎言云冬十一月書

王○周本紀定王二十一年崩
子簡王夷立不書葬故注明之

十有二月己丑公會晉侯齊侯宋公衛侯鄭伯曹伯邾婁子杞

伯同盟于蟲牢

注

約備彊楚

疏

包氏慎言云十二月書己丑

地陳留封丘縣北有桐牢大事表云今桐牢亭在開封府封

丘縣北三里續漢志封丘有桐牢亭或曰古蟲牢字記桐

牢亭在開封府封丘縣北二里一統志今俗謂之桐渦○注

約備彊楚○左傳云同盟於蟲牢鄭服也蓋服鄭兼以備楚

故繁露竹林云鄭乃恐懼而成蟲牢之盟兼左氏義也董生

六年春王正月公至自會注月者前魯大夫獲齊侯今親相見

故危之

疏

注月者至危之○舊疏云致例時桓二年冬公至

自唐僖二十六年冬公至自伐齊哀十三年秋公

至自會是也今此書月故解之前魯大夫獲齊侯者即上二年鞏戰時也言今親相見者即上五年冬公會晉侯齊侯以下蟲牢是也

二月辛巳立武宮疏包氏慎言云二月初辛巳月之十八日

武宮者何武公之宮也注在春秋前疏注在春秋前○禮記疏引世本云伯禽生

湯公熙熙生弗弗生獻公具具生武公放按魯世家伯禽卒子考公酋立卒立弟熙是為湯公卒子幽公宰立幽公弟潰殺幽公而自立是為魏公卒厲公擢立卒立其弟具是為獻公卒子真公濞立卒子款立是為武公蓋世本引不具也是在春秋前也沈氏欽韓云以明堂位證之武宮或是武公立之廟明堂位武世室也文十五年注世室言世世不毀也立者何不宜立也疏舊疏云亦有直云不宜立無在上立者二字也立武宮非禮也注

禮天子諸侯立五廟受命始封之君立一廟至於子孫過高祖不得復立廟周家祖有功尊有德立后稷文武廟至於子孫自高祖已下而七廟天子廟大夫三廟元士二廟諸侯之

卿大夫比元士二廟諸侯之士一廟立武宮者蓋時衰多廢

人事而好求福於鬼神故重而書之臧孫許伐齊有功故立

武宮

疏注天子至七廟。禮記喪服小記云王者禘其祖之

而五又王制天子七廟三昭三穆與太祖之廟而七注此周制七者太祖及文王武王之祧與親廟四入祖后稷殷則六廟契及湯與二昭二穆夏則五廟無太祖禹與二昭二穆而已正義按禮緯稽命篇云唐虞五廟親廟四始祖廟一夏四廟至子孫五殷五廟至子孫六鈞命決云唐堯五廟親廟四與始祖五禹四廟至子孫五殷五廟至子孫六周六廟至子孫七鄭據此為說故謂七廟周制也周所以七者以文王武王受命其廟不毀以為二祧并始祖后稷及高祖以下親廟四故為七也獨斷云天子七廟三昭三穆與太祖之廟七諸侯二昭二穆與太祖而五未分別二祧在內與否漢書韋元成傳元成等四十八人議奏曰禮王者始受命諸侯始封之君皆為太祖以下五廟而迭毀毀廟之主藏於太祖祭義曰三者禘其祖自出以其祖配之而立四廟言始受命而王祭天以其祖配而不為立廟親盡也立親廟四親親也親盡而迭毀親疏之殺示有終也周之所以七廟者以后稷始封文王武王受命而王是以三廟不毀與親廟四而七非有后稷

始封文武受命之功者皆當親盡而毀成王成二聖之功業
制禮作樂功德茂盛猶不世以行為論而已是鄭何與韋元
成同也按元成謂始祖不為立廟蓋指夏殷禮與鄭小異王
制疏引聖證論王肅難鄭云周之文武受命之王不遷之廟
權禮所施非常廟之數殷之三宗宗其德而存其廟亦不以
為數凡七廟者皆不稱周室禮器云有以多為貴者天子七
廟係卿云有天下者事七世又云自上以下降殺以兩今使
天子諸侯立廟蓋親廟四而止則君臣同制尊卑不別禮名
位不同禮亦異數況其君臣乎又祭法云王下祭殤五及五
世來孫則下及無親之孫而祭上不及無親之祖不亦詭哉
穀梁傳曰天子七廟諸侯五家語云子羔問尊卑立廟制孔
子云禮天子立七廟諸侯立五廟大夫立三廟又云遠廟為
祧有二祧焉又儒者難鄭云祭法遠廟為祧鄭注周禮云遷
主所藏曰祧違經正文鄭又云先公之主藏於后稷之廟先
王之主藏於文武之廟便有三祧何得祭法云有二祧馬昭
難王云按喪服小記王者立四廟又引禮緯夏無太祖宗禹
而已則五廟殷人祖契而宗湯則六廟周尊后稷宗文王武
王則七廟自夏及周少不減五多不過七禮器云周旅酬六
尸一人發爵則周七尸七廟明矣今使文武不在七數既不
同祭又不享嘗豈禮也哉故漢侍中盧植說云二祧謂文武
曾子問當七廟無虛主禮器天子七廟尹更始說天子七廟據
增云皆據周言也穀梁傳天子七廟尹更始說天子七廟據

周也漢書韋元成等云周以后稷始封文王受命石渠論曰
虎通云周以后稷文武特七廟張融謹按周禮守祫職奄人
女祧每廟二人自太廟以下與文武及親廟四用七人姜嫄
廟用一人適盡若除文武則奄少二人曾子問孔子說周事
而云七廟無虛主若王肅數高祖之父高祖之祖廟與文武
而九主當有九孔子何云七廟無虛主乎故云以周禮孔子
之言爲本穀梁說及小記爲枝葉韋元成石渠論自虎通爲
證驗七廟之說爲長且天子七廟者有其人則七無其人則
五若諸侯廟制雖有其人不得過五則此天子諸侯七五之
異也王肅云尊卑同制君臣不得過五則此天子諸侯七五之
非是別立殤廟七廟外親盡之祖禘祫猶當祀之而王肅云
上祭無親之孫上不及無親之祖又非通論且家語先儒以
爲肅之所作未足可依禮疏又云周禮惟存后稷之廟不毀
昭七年傳云余敢忘高祖亞圉注云周人不毀其廟報祭之
似高圉亞圉亦不毀者此其不合鄭說故馬融說云周人所
報而不立廟此馬昭張融孔穎達中鄭難之說也按匡衡告
謝毀廟曰天序五行人親五屬天子奉天率其意而尊其制
是以禘嘗之序辟有過五受命之主躬接於天萬世不墮繼
烈以下五廟而遷師古曰五屬謂同族之五服斬衰齊衰大
功小功總麻也據衡之言則廟制緣於服制聖人不爲無服
之人制制亦不爲無服之人立廟有斷然者匡衡韋元成皆
在緯學未興之先則孔氏引緯文釋鄭注猶未當也尹更始

盧植等皆以七廟專爲周制而王肅之徒又以殷周同七廟
据偽古文咸有一德七世之廟可以觀德爲證呂氏春秋引
商書曰五世之廟可以觀怪此秦火以前之書也則殷不七
廟明矣哀帝時劉歆議孝文孝武皆有功德於世當如周禮
立七廟其議曰高帝建大業爲太祖孝文皇帝德至厚也爲
文太宗孝武皇帝功至著也爲武世宗禮記王制及春秋穀
梁傳天子七廟諸侯五大夫三士二天子七日而殯七月而
葬諸侯五日而殯五月而葬此喪事尊卑之序也於廟數相
應其文曰天子三昭三穆與太祖之廟而七諸侯二昭二穆
與太祖之廟而五故德厚者流光德薄者流卑春秋左氏傳
曰名位不同禮亦異數自上以下降殺以兩禮也七者其正
法數可常數者也宗不在此數中宗變也苟有功德則宗之
不可預爲設數以七廟言之孝武皇帝未宜毀以所宗言之
則不可謂無功德凡在異姓猶將特祀之況於先祖或說天
子五廟無見文又說中宗高宗者宗其道而毀其廟名與實
異非尊德貴功之意也迭幾之禮自有常法祖宗之序多少
之數經傳無明文至尊至重難以疑文虛說定也是歆以殯
葬日月之數爲七廟之制與五廟五屬之說異此王肅所本
其實劉歆所据天子七日而殯七月而葬及降殺以兩皆左
氏說周制也云天子五廟無見文又曰祖宗之序多少之數
經傳無明文是歆以五廟之說無明文因定用五廟之制亦
未以五廟爲非也且劉亦不以周以前皆七廟也蓋降殺以

兩等威之別至周始嚴周有七廟若遂定為歷代定制豈其然乎九廟之說新莽亂制王肅據以與鄭立異忘其為聖門之亂臣賊子矣即如諸侯五廟魯以伯禽為始祖而有周公之廟得謂諸侯皆六廟乎鄭有厲王之廟得謂諸侯皆立其所自出之廟乎○注天子至二廟○王制云大夫三廟一昭一穆與太祖之廟而三注太祖別子始爵者大傳曰別子為祖謂此雖非別子始爵者亦然正義曰非別子始爵者有數條一是別子初雖身為大夫中間廢退至其遠世子孫始得爵命者則以為太祖別子不得為太祖也二是別子及子孫不得爵命者後世始得爵命自得為太祖三是全非諸侯子孫異姓為大夫者及它國之臣初來任為大夫者亦得為太祖然則王制以太祖與一昭一穆為三而祭法云大夫立三廟曰考廟曰王考廟曰皇考廟注非別子故知祖考無廟與王制不同者禮記疏引鄭志答趙商云祭法周禮王制之云或以夏殷雜不合周制然則鄭以王制為殷制故云雖非別子亦得立太祖廟若周制然則別子始爵其後得立別子為太祖若非別子之後雖為大夫但立曾祖父三廟而已隨時而遷無太祖也王制疏云鄭必知周制別子之後得立別子為太祖者以大傳云別子為祖繫之以姓而弗別綴之以食而弗殊雖百世而昏姻不通者周道然也故知別子為百世不遷之宗矣周道如此明殷道不然春秋譏世卿又從殷之質何意當以為大夫者得立其父祖曾三世之廟而已孔疏又

云此大夫三廟者天子諸侯之大夫皆同知者以此及祭法
歷陳天子諸侯即云大夫更不別云諸侯之大夫按諸侯之
卿尊者不過三命似不得與天子大夫同制也元士二廟即祭
其爾不得選以爲天子諸侯之大夫同制也元士二廟即祭
法之適士二廟也鄭云上士蓋据諸侯之士言之故以官師
爲中士下士也如何意則天子之士二廟諸侯之士同官師
也獨斷云大夫一昭一穆與太祖之廟三本王制爲說爾魏
書禮志引稽命徵云天子之元士二廟禮記大傳云大夫士
有省於君干祿及其高祖疑指天子大夫得及曾祖有省者
得及高祖也又喪服小記云大夫士之妾祔於妾祖姑亡則
中一以上而祔中一以上則高祖妾姑矣蓋大夫士雖有親
廟亦別有祧廟以祔祧主也○注諸侯至一廟○舊疏云諸
侯之士一廟禮說文魏書禮志引稽命徵云諸侯之士亦
二廟中下士一廟一廟者祖祧共廟按此與鄭注同鄭注王
制云士一廟者謂諸侯之中士上士下士名曰官師者上士二廟
是也祭法云適士二廟注適士上士也亦指諸侯之士又云
官師一廟注官師中士下士也此注云諸侯之士一廟則無
分上中下士矣然諸侯之卿大夫比天子元士則諸侯之士
亦宜降等命數既殊廟制應異緯書與鄭君之義似不及何
注也禮記曲禮云不逮事父母則不諱王父母注適士以上
廟事祖雖不逮事父母猶諱祖疏云祭法云適士二廟祖之
與祧各一廟其中下士亦廟事祖但祖祧共廟則既夕禮一

廟是也熊氏云此適士者包中下士對庶人府史亦稱適也
仍本鄭義也獨斷云士一廟降大夫二謂諸侯士又云士二
廟卽元士也與何義合又云府史以下未有爵命號爲庶人
皆無廟四時祭於寢也禮記大傳云諸侯及其太祖大夫上
有大事省於其君十祫及其高祖注千猶空也空祫謂無廟
祫祭之於壇墀正義此言支庶爲大夫士者耳若通爲大夫
亦有太祖王制大夫三廟二昭二穆與太祖之廟而三也是也
師說云大夫士有始祖者鬼其百世容有善於其君得祫於
太祖廟中徧祫太祖以下也此仍據周制言大夫得有太祖
也干祫及其高祖者高祖於元孫有服故省於其君者得從
權上祫於廟制無與也○注立武至書之○鹽鐵論散不足
云古者德行求福故祭祀而寬仁義求吉故卜筮而希今世
俗薄於行而求於鬼怠於禮而篤於祭是卽議立武宮義也
明堂位曰武公之廟武世室也此傳議其不宜立者記人所
言多夸大之詞未可據以爲實也故彼正義云武公之廟立
在武公卒後其廟不毀在成公之世此記所云美成王褒崇
魯公而已云武公之廟武世室者作記之人因成王褒魯遂
盛美魯家之事因武公其廟不毀遂連文而美之非實詞也
是也通義云世室屋壞云世室此何以不云立世室立幾廟
猶可言也擬天子不可言也春秋以其可辭書之義或然也
○注臧孫至武宮○左傳季文子以鞶之功立武宮非禮也
疏引服虔云鞶之戰禱武公以求勝故立其宮按上元年夏

臧孫許及晉侯盟于曲棘注時者謀結峯之戰不相負也又
二年傳云前此者晉卻克與臧孫許同時而聘於齊二大夫
出相與踰閭而語則伐齊之役實起於許故注本而言之左
傳謂季文子者時文子執政為魯上卿故也因人之力立廟
自夸不徒立毀廟為非禮也

取郭

郭者何邾婁之邑也

疏杜以為附庸國大事表云在沂州府

本曷為不繫於邾婁諱也注諱魯背信也屬相與為

牢之盟取其邑故使若非邾牢人矣

疏信三年公伐

二年公以邾婁取須朐之屬皆繫邾婁故問而解之注諱

魯至人公即上五年冬公會晉侯齊侯宋公衛侯鄭伯曹

伯邾婁杞伯同盟于盟牢是魯與邾同盟也旋盟而旋取

其邑背失信過亟故而不繫邾婁使若所取之邑非同

盟之國

也然矣

衛孫良夫率師侵宋

夏六月邾婁子來朝

公孫嬰齊如晉

壬申鄭伯賁卒

注不書葬者爲中國諱蟲牢之盟約備彊楚楚

伐鄭喪不能救晉又侵之故去葬使若非伐喪**疏**包氏慎言

壬申月之十一日○**注**楚伐至侵之○卽下秋楚公子嬰齊

帥師伐鄭無中國救鄭文下又云晉欒書帥師侵鄭是又侵

之也○**注**故去至伐喪○繁露竹林云死不得書葬見其罪

也與何氏異通義云悼公在喪未踰年而親伐許不予之甚

故去葬奪臣子恩也用董氏義

秋仲孫蔑叔孫僑如率師侵宋**疏**校勘記云唐石經鄒木闕

楚公子嬰齊率師伐鄭**疏**監本同毛木脫率師二字

冬季孫行父如晉

晉欒書率師侵鄭**疏**

校勘記云唐石經諸本同按左氏穀梁皆作救鄭上書楚公子嬰齊率師伐鄭故晉

樂書率師救之也侵字誤嚴杰曰上文鄭伯費卒注云楚伐鄭或不能救晉又侵之然則公羊作侵鄭與左穀本異也

七年春王正月鼯鼠食郊牛角改卜牛鼯鼠又食其角乃免牛

注鼯鼠者鼠中之微者所生上指逆之象易京房傳曰祭天

不慎鼯鼠食郊牛角書又食者重錄魯不覺寤重有災也不

重言牛獨重言鼠者言角牛可知食牛者未必故鼠故重言

鼠疏穀梁傳免牲者爲之緇衣緇裳有司元端奉送至於南

玉篇鼯鼠小鼠也螫毒食人及鳥獸皆不痛今之甘鼠也釋

文引博物志云鼠之最小有者或以爲耳鼠爾雅釋獸云鼯鼠

郭注有螫毒者左疏引李巡云鼯鼠一名鼯鼠孫炎云有

螫毒者蓋如今鼠狼邵氏晉爾雅正義云按今俗傳鼯鼠

能入人耳甘而不知痛其爲螫毒不特牛有害矣莊子應帝

王云鼯鼠深穴乎神丘之下以避熏鑿之患漢書所謂社鼠

不灌屋鼠不熏也淮南人間訓云蟪蛄若鼯鼠穴非一壤之所

能塞也蓋鼯鼠小其穴自小矣公羊問答曰說文鼯鼠小鼠

也博物志春秋書鼯鼠食牛牛死鼠之類最小有者食物當時

諱此所嚙衰病之徵是鼠中之最微者也。○注角生至之象。○舊疏云言角在牲體之上指於天亦是上逆之象。○注易京至牛角。○五行志中之上成公七年正月鼯鼠食郊牛角改卜牛又食其角劉向以爲近青祥亦牛禍也不敬而備畜之所致也昔周公制禮樂成周道故成王命魯郊祀天地以尊周公至成公時三家始顛政魯將從此衰天慙周公之德痛其將有敗亡之旣故於郊祭而見戒云鼠小蟲性盜竊鼯又其小者也牛大畜祭天尊物也角兵象在上君威也小小鼯鼠食至尊之牛角象季氏乃陪臣盜竊之人將執國命以傷君威而害周公之祀也改卜牛鼯鼠又食其角天重語之也成公怠慢昏亂遂君臣更執於晉至於襄公晉爲潁梁之會天下大夫皆奪君政其後三家逐昭公卒死於外幾絕周公之祀董仲舒以爲鼯鼠食郊牛角皆養牲不謹也京房易傳曰祭天不慎厥妖鼯鼠齧郊牛角何氏即本董義繁露順命云至於祭天不享其卜不從使其牛自傷鼯鼠食其角或言食牛或言食其角過有淺深厚薄而災有簡甚不可不察也。○注書又至災也。○舊疏云至讀如煩重之重也按讀如字亦通又引異義公羊說云鼯鼠初食牛角咎在有司又食咎在人君取已有災而不改更者義通於此按穀梁傳過有司也郊牛日展斛角而知傷展道盡矣其所以備災之道不盡也又曰又有繼之辭也其緩辭也曰亡乎人矣非人之所能也

所以免有司之過也往至此復食乃知國無賢君大災之附
非有司之過也故言其以教之經義雜記云据徐疏引異義
公羊說知公羊無傳說者本穀梁言之劉子政之義尤為深
切著明惠氏士奇春秋說云宣三年書郊牛之口傷成七年
書鼯鼠食郊牛角何也周禮封人飾牛牛牲而設楅犂於所
衡於鼻又以繫牽牲入廟而歌舞之牧人其牲以授充人繫
之牲必用牲物牛人以授職人而芻之充人則繫於牢芻之
三月展牲則告牲於人則贊肆師展犧牲頒於職人然則肆
師展於祭初充人展於將祭殺梁所謂日展解角而知傷也
古者諸侯必有養獸之官及歲時齊戒沐浴而躬朝之朔月
月舉君巡牲不獨有司展之君又朝而巡之所以致力而盡
其敬者如此牲者全也備也口傷角食其體弗全弗備不敬
莫大焉豈徒肆師充人失其官人君朝巡之禮亦廢久矣故
春秋謹而書之○注不重至言鼠○左傳疏引此注食牛上
有後字當据補通義許翰曰小害大下賊上食而又食
三桓子孫相繼之象宣公有虞三桓之志成於弗戒矣

吳伐邾注吳國見者罕與中國交至升平乃見故因始見以漸

進疏水經注沂水篇又東過襄贛縣東屈從縣西南流又屈

朝魯者也竹書紀年晉烈公五年越子朱勾伐邾以邾子鳩
歸縣故舊魯也東海郡治地理志東海郡邾下云故國少昊

後世而武王克殷封其後爲二其一虞在中國其一吳在夷蠻
十二世而晉滅中國之虞中國之虞滅二世而夷蠻之吳興
大凡從太伯至壽夢十九世正義吳國號也太伯居梅里在
常州無錫去東南六十里至十九世孫壽夢居之號句吳壽
夢卒諸樊南徙吳至二十一一代孫光使子齊築閭閻城都之
今蘇州也○注吳國至漸進○毛本因誤言鄂本閩監本同
不誤舊疏云莊十年荆敗蔡師于莘傳荆者何州名也州不
若國國不若氏云云何注不言楚言荆者楚強而近中國卒
暴責之則恐爲害深故進之以漸然則吳楚相敵亦宜言揚
而經言吳者正以等與中國交至今升平之世乃始見經故
因其始見於升平故經直以漸進之通義胡康侯曰稱國以
伐狄之爲吳本太伯之後以族屬言之則周之伯父也何以
狄之爲其僭天子之大號也國語曰命圭有命固曰吳伯不
曰吳王然則吳本伯爵也後雖益熾浸與中國會盟進而書
爵不過曰子亦不以本爵與之故記於禮書曰四夷雖大皆
曰子此春秋之法仲尼之制而以爲不取擅進退諸侯亂名
實者誤矣按世家王壽夢二年申公巫臣奔晉自晉使吳教
吳用兵乘車令其子爲吳行人吳於是始通中國壽夢二年
當成公七年始與中國通適有伐郟事在升平之世春秋因
以張法也吳越春秋吳王壽夢傳吳壽夢元年朝周適楚觀
諸侯禮樂魯成公會於鍾離深問周公之禮樂成公悉爲陳

前王之禮樂因爲詠歌三代之風詩夢曰孤在蠻夷徒以椎
髻爲俗豈有斯之服哉因歎而去曰大哉禮乎此升平之世
已人內諸夏外四夷之限故失得以國見經
與楚之南荆自殊亦非如胡氏所云狄之也

夏五月曹伯來朝疏通義云月者爲下望出

不郊猶三望疏通義云他言免牲者則不言不郊此闕有異事猶文無所成故不舉不郊也

秋楚公子嬰齊帥師伐鄭

公會晉侯齊侯宋公衛侯曹伯莒子邾婁子杞伯救鄭疏差繆略云

左氏晉侯以下有齊侯按唐石經公羊泐數字以字數計之有齊侯石經穀梁有齊侯

八月戊辰同盟于馬陵疏包氏慎言云八月書戊辰八月無戊辰九月之四日七月之三日也杜云

馬陵衛地陽平元城縣東南有地名馬陵大事表云戰國時孫臏殺龐涓處今大名府治東南十五里有馬陵道又有馬

陵城續漢郡國志河東平陽劉昭注引杜云馬陵衛地平陽東南地名馬陵又說在魏郡元城按衛地不至河東劉昭一

地兩位非也杜亦無平陽之說一統志馬陵故城在大名府元城縣東南隋開皇六年置馬陵縣通義云不重言諸侯者

問無異
事文省

公至自會疏

通義云左傳曰諸侯救鄭鄭共仲侯羽軍楚師囚鄭公鍾儀獻諸晉故以得意致會也

吳入州來疏

杜云州來楚邑淮南下蔡是也爾雅釋丘淮南有州黎郭注今在壽春古來黎同音州黎即州來也

大事表云今為江南鳳陽府壽州即壽春也自成七年吳入州來至昭二十三年雞父之戰楚師大敗州來遂入吳自是入郢之禍兆矣吳蓋爭之七十餘年而後得衰二年吳遷蔡於州來謂之下蔡山是壽春城在淮之南下蔡城在淮之北相去三十里夾淮為固歷東漢至六朝當為重鎮今壽州治即古壽春縣城為楚考烈王所築州北三十里有蔡國城即下蔡矣方輿紀要下蔡城在壽州北三十里古州來也李氏兆洛屬臺縣志州來即今下蔡鎮差繆略云公穀作州萊按於他書均未之見

冬大雩注先是公會諸侯救鄭承前不恤民之所致疏

注先是至所致

○公會諸侯救鄭見上秋云承前不恤民之所致者承上三年大雩為說也彼注云成公幼少大臣秉政先是作丘甲為蓋之戰伐鄭圍棘不恤民之所生也是也

衛孫林父出奔晉

皇清經解續編卷千二百三十九終

皇清經解續編

公羊義疏五十一

昭文孫同康參校

子汝恭校字

七